

Կարկառ-Յարևո

Կաշակերանի նախադասակները.
(դրամա)
1919թ.

891.99

Մ-39

2314

ՀԱՅ. ԿՈՒՍ. ԱՐԵՐ. ԵՐԶ. ԿԵՐԻ. Վ.ՄԱՐԿՆԻ

ՅԱԿՈՒՐ-ՅԱՐԵՐ

ՀԵՉԱԿԵԱՆ ՆԱՀԱՏԱԿՆԵՐԸ

Տ Ր Ա Մ Ա

6 ԱՐԱՐՈՒԱԾՈՎ

Գ Ր Ե Յ

ԼԵՒՈՆ ՄԱՐՏԻՐՈՍԵԱՆ



Տ Պ Ա Ր Ա Ն

«ԵՐԻՏՈՍԱՐԳ ՀՈՅՍՍԱՆ»

1919


72892

THE GREAT BRITISH

THE STANDARD OF THE

STAMP

THE GREAT BRITISH



POSTAGE



POSTAGE

POSTAGE

POSTAGE

2314

ՆԵՐԿԱՅԱՑՄԱՆ ԻՐԱԴՈՒՆՔ

Ներկայացման իրաւունքը հեղինակին վերա-

պահուած է:



1000 2000

1100

Հասոյքին 10%-ը Սօցիալ Դեմօկրատ Հեղափոխական

Կուսակցութեան յատկացուած է:

ՆԱԽԱԲԱՆԻ ՏԵՂ

1914 Յուլիսին՝ Պօլսոյ մէջ, Պալենց զբառուներ հաղիւ հրատարակ հանած էր Լ. Մարտիրոսեանի սոյն թատերգութեան երեք պրակները, երբ թիւրք կառավարութիւնը արգիլեց անոր հրատարակութիւնը եւ զբառուները անկէ վերջ հետզհետէ ծաւալող պատերազմական վիճակը՝ Պալենցէն հեղինակի ձեռագիրը ստանալուն արգելք եղաւ:

Անհրաժեշտ էր սոյն թատերգութեան հրատարակութիւնը՝ զիմուժ եղաւ ընկեր Լեւոն Մարտիրոսեանի, որ իր մօտ եղած չը սրբազրուած մասերէն լրացնէ տրաման եւ յանձնէ մեզ:

Ուրախ ենք, որ յարգելի ընկեր հեղինակը ամբողջացուց այս հրաշալի բիէսը նորէն, եւ յանձնեց «Երիտասարդ Հայաստան»ի կմբազրութեան հրատարակութեան համար:

ԳՈՐԾՈՂ ԱՆՁԻՆՔ

- ՅԱԿՈՐ .—
 - ՅԱՐԷԹ .— — Շապին-Գարահիսարցի
 - ԱՆՆԱ .— Անոնց մայրը
 - ՍԻՐԱՆՈՅՇ .— Յակոբի կինը
 - ԱՇՈՏ .— Յակոբի գաւակը
 - ՍԱՔԵՆԻԿ .— Յաբէթի նշանածը
 - ՍԷՄԷՐՃԵԱՆ ՅԱՐՈՒԹԻՒՆ .— Խարբերոցի
 - ՄԱՐԻՅԱ .— Խարբերոցի կին մը
 - ԼՈՒՍԻԱ .— Մարիցայի դուստրը
 - ԶԱԻԷՆ .— Մարիցայի տղան
 - ՎԱՂԱՐՇ .— Զաւէնի ընկերը
 - ՏԷՐՎԻՇ .— Յոյսի Առաքեալը
 - ՏԻԳՐԱՆ .— Խարբերոցի երիտասարդ մը
 - ՄԻՐԻՃԱՆ .— Սեբաստացի երիտասարդ մը
 - ՍՈՒԼԹԱՆ ԵՒ ԽԱԶԽԱԹՈՒՆ .— Երկու կիներ
 - ՆԱԶԱՐԵԱՆ .— Սգահանդէսի Ատենապետ
 - ՏԷՐՏԷՐԵԱՆ .— Ռամկավար մը
 - ՊՕՆԱՓԱՐԹԵԱՆ .— Դաշնակցական Բժիշկ մը
 - ԱՐՇԱԻՐ .— Սօց. Դէմ. Հնչ. Կուս. Գործիչ
 - ԳՕՄԵՍԷՐ ՀՍՄՏԻ .— Մ-Ազգի մէկ Ոստիկանը
- Քահանայ մը, Ոստիկաններ դահիճներ, Սուր-
նաւոր զինուորներ, հանդիսականք եւայլն :

ՀՆԶԱԿԵԱՆ ՆԱՀԱՏԱԿՆԵՐԸ

Յ Ա Կ Ո Ր - Յ Ա Բ Է Թ

(ՏՐԱՄԱ 6 ԱՐԱՐՈՒԱԾՈՎ.)

ԱՐԱՐՈՒԱԾ Ա.

ՏԵՍԻԼ Ա.

(ԱՆՆԱ, ՍԻՐԱՆՈՅՇ ԵՒ ԱՇՈՏ)

(Տեսարանը կանցնի Գարա-հիսար քաղաքի պար-
գուկ մէկ տան մէջ : Գետինը կապերտ մը ձգուած է,
փոքր սեղան մը մէջտեղը : Սենեկին ճակատը Յի-
սուսի հաշիւութեան պատկերը կայ, քովն ալ Յակո-
բի պատանեկութեան պատկերը . ձախ կողմը քարի-
ղի կանթեղ մը, չորս աթոռներ : Մայրը՝ Տիկ . Ան-
նան, նստած աթոռին վրայ՝ թոռանը բանկոնակը կը
կարկտնէ, հարսը՝ Տիկ . Սիրանոյշ . գուլպա կը հիւսէ
իսկ Աշոտ՝ Յակոբի 13 տարեկան մանչը, մէկ անկիւն
մը քաշուած՝ երկար փայտ մը տաշելով կըբաղի) :

ԱՆՆԱ .— Ըսէ՛ տեսնենք Սիրանոյ՛շ, Ի՞նչ ըլլա-
լու է ասոր վերջաւորութիւնը . աս քանի գիշեր է, որ
մէր Յակոբը տուն չի գար : Դեռ նոր բանտէն ազատ-
ուած՝ դարձեալ մտած է բանտ առաջնորդոյ ճամ-
բան : Ամեն վայրկեան սիրտս կը դողայ՝ կարծես
չարագուշակ կոպանակէ մը մղուած : Ինձ կը թուի

Թէ զայն պիտի խլեն ու տանին այլեւս անյուսալի վերագարձով: Գիշերները քուն չունիմ, արհաւիրալի երազներ կը շարունակն աչքիս առջեւ. բայց աչքով տեսնուած երազներ, Սիրնաո՛յ՛ջ: Ու՛հ, ի՞նչ սուսկալի են այդ երազները:

ՍԻՐԱՆՈՅՇ.— Մայրի՛կ, ինչո՞ւ կը վախնար երազներէն. անոնք, կամ ստամոքսի անհանգստութեան եւ կամ մտային գերագրգոման արդիւնք են: Ասկէ առաջ ալ շարունակ տեսած էք զէջ երազներ, չէ՞. պատճառը սա է, որ կը պառկիք վախով ու կասկածով. հեռացուցէք վախն ու կասկածը ձեր մտքէն ու պիտի տեսնէք վարդազոյն երազներ:

ԱՆՆԱ.— Վարդազոյն երազներ՛ր . . . Սիրանո՛յ՛ջ, կերեւի թէ օրինակած ես Յակոբի պաղարիւնութիւնը. ինչպէ՞ս կրնամ տեսնել վարդազոյն երազներ. միթէ անոնք կը հպատակի՞ն մեր կամքին: Ո՛հ, ո՛չ, Սիրանո՛յ՛ջ, կամենալով վախն ու կասկածը չեն հեռանար, կամենալով վարդազոյն երազներ չեն տեսնուիր: Երազները յաճախ թելադրութիւններն են այն մեծ անձանթին, որու սրասն աչքերը կրնան թափանցել սպազայի մութ վարդազոյններս:

Այս գիշեր երազ մը տեսայ. մտիկ ըրէ՛, տե՛ս թէ ի՞նչ կազ կրնաս գտնել ստամոքսի անհանգստութեան կամ մտային գրգռումի հետ: Ծովու եզերքը կեցեր կսպասէինք նաև ու մը, որ պիտի դար մեզ տանիլ զաւկիս նոր հաստատուած կղզին, որուն համար հըրաշալի բաներ կը պատմէին: Ես անթի էի, քիչ մը հաց առի ճամբու պայուսակէն ու կերայ. դուն կը լուսացուէիր ծովուն ջուրովը, իսկ Աշտը կը ցատկըրտէր հոս, հոն աւազներուն վրայ:

ԱՇՈՏ.— (Վագելով իր մեծ մօր բով) Ի՞նչ ըսիր մեծ մայր . . . Ե՞րբ է, որ ես ցատկըտեր եմ աւազներուն վրայ:

ԱՆՆԱ.— Երազիս մէջ, թոռնիկս, երազիս մէջ տեսայ այդպէս:

ԱՇՈՏ.— Ա՛հ, երազիդ մէջ՛ջ . . . ես ալ դարձագայ երբ կարծեցի թէ իրական բան մը կը պատմես:

ԱՆՆԱ.— (Կը գրկէ Աշտը ու կը համբուէ) Գնա՛, զաւակս, գնա՛ դուն քեզմով դրազիր. լաւ է քեզ համար, որ մեր խօսքերը չի լսես:

ԱՇՈՏ.— Ինչո՞ւ, մեծ մա՛յր, ինչո՞ւ չի լսեմ ձեր խօսքերը:

ԱՆՆԱ.— Որովհետեւ, զաւակս, անոնք վախով, վշտով ու հառաչանքով են չինուեր:

ԱՇՈՏ.— Ո՞վ չինած է զանոնք այդպէս:

ԱՆՆԱ.— Ա՛հ, այդ չեմ գիտեր, Աշո՛տ:

ԱՇՈՏ.— (Գառնալով մօրը) Մա՞յր, դո՞ւն ալ չես գիտեր:

ՍԻՐԱՆՈՅՇ.— (Գառնելով գալկին գլուխը) Գիտե՛մ զաւակս, մեծ մայրն ալ գիտէ, բայց այդ բանը քեզի յայտնելու ժամանակը եկած չէ դեռ:

ԱՇՈՏ.— Ե՞րբ դալու է այդ ժամանակը, մա՛յր . . . ինչո՞ւ չես ըսեր:

ՍԻՐԱՆՈՅՇ.— Այդ ժամանակը այն ատենը եկած կըլայ Աշո՛տ, երբ կեանքը ճանչնաս:

ԱՇՈՏ.— Ու ե՞րբ կեանքը պիտի ճանչնամ:

ՍԻՐԱՆՈՅՇ.— Երբ որ տառապիս:

ԱՇՈՏ.— Լա՛ւ, մա՛յր, չըլա՛ր որ հիմակ անմիջապէս սկսիմ տառապիլը, որպէսզի կեանքը չուտով ճանչնամ:

ՍԻՐԱՆՈՅՇ.— (Ժպտելով) Ո՛հ, զաւակս, ո՛չ . . . ուղեւորդ չես կրնար տառապիլ. ուրիշներն են, որ պիտի տառապեցնեն քեզ:

ԱՇՈՏ — (Գլուխը օրրելով) Չեմ հասկնար չեմ
 ... բայց վերջապէս պիտի հասկնամ օրին մէկը ... :
 Հիմա հիմայ երթամ իմ գործիս նայիմ ... (Բանի
 մը քայլ առնելէ վերջ՝ կը դառնայ մեծ մօրը) Մեծ
 մայր, եթէ այս գիշեր ալ երազ տեսնես՝ զիս կանչէ
 որ ես ալ գիտեմ հա՞ ... (Խնդալով կերքայ նախկին
 տեղը...):

ԱՆՆԱ — (Աչքերը կը սրբէ ու տխուր ժպիտով
 մը) Շա՛տ աղէկ թոռնիկս, շատ աղէկ ... (Յետոյ
 խօսքն ուղղելով հարսին) Երազիս պատմութիւնը չի
 լրացուցի. անանկ չէ՞, Սիրանոյ՛ջ. լսէ ուրեմն: Ծո-
 վեգերքին վրայ մեր սպասումը երկար չի տեւեց.
 հեռուէն երեւցաւ մեր նաւը, որ շատ շանցած՝ խա-
 բրտեց նաւահանգստին մօտ: Նաւապետը, որ ա-
 լետը ծերունի մըն էր, մասնաւոր նաւակով մը մեզ
 փոխադրեց իր նաւը: Հոն՝ առաջին անգամ մեզի
 հանդիպող անձը եղաւ Յարէթի նշանածը՝ Սաթենիկ,
 որը չը գիտեմ ինչո՞ւ բնաւ չի խօսեցաւ մեզի հետ:
 Ծովը, որ առաջ կապոյտ էր, կարմիրի փոխուեցաւ.
 կարմիր՝ արիւնի պէս կարմիր: Ալիքները սկսան կա-
 տաղութեամբ յարձակիլ նաւուն վրայ, զայն կլլելու
 սպառնալիքով, սակայն ես չի վախցայ, որովհետեւ
 նաւապետը, փորձառու մարդ, միշտ ղեկին գլուխը
 կեցած՝ կը ժպտէր դառն արհամարհանքի ժպիտով:
 Մեր ճամբորդութիւնը երկար չի տեւեց. նոյն գիշերն
 իսկ կղզին հասանք: Նաւապետը բռնեց իմ ձեռքս
 եւ սկսանք քալել: Բնակութեան նշան չի տեսայ այդ
 կղզիին մէջ, ու անդիմադրելի սոսկում մը զգացի:
 Նաւապետը գուշակեց սրտէս անցածը ու ցոյց տուաւ
 շարք մը ցանցառ ճրագներ, որք կը պլպլային մեզմէ
 քիչ հեռու: Հոն ուղղուեցանք: Ի՞նչ տեսնեմ աղէկ,
 Սիրանոյ՛ջ ... փոխան բնակութեան՝ գերեզմանոց
 մը. (Հոս Սիրանոյ՛ջ, թողած իր ձեռքի գործը անձ-
 կոտ ու ահաբեկ դիրքով մտիկ կընէ) պարզուկ գե-
 րեզմանոց մը, ուր տուն տրուած չէր մարդկային յա-

մառ փառասիրութեանց ցուցադրումին: Մէն մի
 գերեզմանի վրայ ճերմակ քար մը կար երկնցուած.
 առանց ծաղկեփունջի, առանց զարդարանքի, առանց
 երկար արձանագրութեան. սոսկ իրենց անունները
 միայն, փորագրուած՝ խաչի մը տակ. Բարզէն, Ժի-
 րայր, Վազգէն ու զեռ շատ մը ուրիշ անուններ ... :
 Հարցուցի մեր առաջնորդին թէ՛ «Ի՞նչ կը նշանակեն
 ասոնք». նա չի պատասխանեց, այլ զիս տարաւ խո-
 չոր դամբանի մը քով, ուր երկու ճրագներ կը պլպլա-
 յին. յայտնի էր, հոն ամփոփուած էր երկու մարդոց
 մարմինները: Ո՞վքեր կրնային ըլլալ անոնք. ծոեցայ
 ու մոմի աղօտ լոյսով կարդացի անոնց անունները՝
 ՅԱԿՈՒԲ ԵՆ ՅԱԲԷԹ ... :

ՍԻՐԱՆՈՅՇ — Ո՛հ, մայրի՛կ, սոսկալի է այդ.
 (Ձեռքովը կը ծածկէ երեսը ու կը հեծկլտայ):

ԱՆՆԱ — Այո՛, Սիրանոյ՛ջ ... Երբ տեսայ այդ-
 պէս՝ զգայագիրկ ինկայ գետին, ու երբ սթափեցայ՝
 քովս դտայ իմ անդին Յակոբս: Ուղեցի գրկել ու
 համբուրել զինքը, չի թողուց. ուղեցի խօսիլ՝ բերա-
 նըս փակեց իր երկաթէ ձեռքերով. «ԼՈ՛ՒՌ», ըսաւ
 նա. «Սա գիշերային խողաղ ժամուն մի վրդովեր
 շարչրկուած հոգիներու նուիրական հանգիստը. ա-
 նոնց խորհուրդի ժամն է հիմայ ... : Անոնք կը խոր-
 հին տարրադադրել չինցած արեւը ու նոր տարրե-
 լու խառնուրդով ստեղծել նորագոյն Արեւ մը, որու
 լոյսին տակ արցունքի ծովերը պիտի ցամքին, ծա-
 զիկները պիտի մերժեն թոյն տալ օձերուն ... :
 Կնա՛, մա՛յր, զնա այժմ ... Եկուր միայն արշալոյ-
 սին, երբ հիմակուան Աստուածը ծնրադրած պի-
 տի տեսնես՝ իրմէ աւելի արդար աւելի Բարի Աստու-
 ծոյ մը խորանին առջեւ»: Ես բան չի հասկցայ իր
 խօսքերէն ու վշտերուս մէջ խելակորոյս՝ թեւերս եր-
 կարեցի զինքը բռնելու համար, բայց նա զիս ետ հը-
 րեց ու հեռացաւ ... : Սիրանոյ՛ջ, ահա՛ ամբողջ երա-
 զիս պատմութիւնը:

ՍԻՐԱՆՈՅՇ — Ա՛հ, մայրի՛կ. իրաւ որ երազդ սովորական երազներէն չէ. ան իր մէջ թէ չարագուշակ բան մը ունի եւ թէ յուսալից չարագուշակ՝ որովհետեւ վտանգի մը հոտը կուզայ անոր մէջէն. յուսալից՝ որովհետեւ ժպիտի հորիզոնի մը աղւոր հեռանկարը կայ հոն :

ԱՇՈՏ — (Նոն պահուն ներս կը վագէ նոր շինած փայտէ հրացանը ձեռին) Մեծ մա՛յր, հայրիկս արագ բէն անցաւ դրան առջեւէն անծանօթ մարդու մը հետ. զինքը կանչեցի, մտիկ չըրաւ ինձ :

ԱՆՆԱ. — Հայրի՛կ կը տեսա՛ր . . . (Երկուքը միասին անապարու մով պատուհանէն դուրս կը նային) ո՞ր կողմ գնաց արդեօք . . . :

ԱՇՈՏ — (Պատուհանին քով կերթայ ու ձեռքով ուղղութիւնը ցոյց կուտայ) . Այս կողմը, մեծ մայր . . . (Աշոտ այս բառերը կարտասանէ, ու ապա ձեռքի գլխիկով կը ձեռառքէ իր փայտէ հրացանը) :

ԱՆՆԱ. — (Դառնացած սրտի շարժում մը կընէ) Ո՛չ, ո՛չ . . . այլեւս յիմարութիւն է հանգստութիւն ու երջանկութիւն յուսալը. նա գինով է, իր դադափարին գինովը (Կը շարունակէ իր ձեռակալն աշխատանքը) :

ՍԻՐԱՆՈՅՇ — Մի վշտանար, մայրիկ. կան տեսակ մը ցաւեր չորս մեր ծոցին մէջ սնուցանելը դաւաճանել է սրբութեան, իսկ բոլորովին լքելը՝ դաւաճանել է մեր անձին : Լաւագոյն է կարծեմ, որ մենք մեզի դաւաճաններ քան թէ աստուածութեան : Յակոբը, որ քու դաւակոյ է եւ իմ ամուսինս՝ որչափ սիրելի է քեզի, նոյնչափ սիրելի է ինձի. սակայն անքաւելի յանցանք է քարեր նետել անոր քալած ճամբան, կամ պատուել՝ անոր պաշտած դրօշը :

ԱՆՆԱ. — Եւ ինչո՞ւ արդեօք մենք պիտի անտես մնանք այդ դրօշին քով :

ՍԻՐԱՆՈՅՇ — Որովհետեւ նա մեզմէ անհամեմատօրէն բարձր ու նուիրական է. նա իրական մարմնացումն է այն մեծագոյն մարտիրոսին, որ դարերէ ի վեր կը շարժրկուի տառապանքի խաչին վրայ ու չի մեռնիր :

ԱՆՆԱ. — Ի՞նչ է անոր նունը :

ՍԻՐԱՆՈՅՇ — Պարզուկ անուն մը, զոր ամեն ոք արտասանած է . . . :

ԱՆՆԱ. — Սակայն ի՞նչ է, ըսէ՛ տեսնեմ :

ՍԻՐԱՆՈՅՇ — Այդ անունն է ՀԱՅՐԵՆԻ՛Ք . . . :

ԱՆՆԱ. — Հայրենի՛ք . . . բայց ի՞նչ եղաւ արդիւնքը հազարաւոր զոհերուն : Պարտազը չե՞ն երթար արդեօք այսքան զոհեր, այսքան արիւններ : Ըսէ՛, Սիրանոյշ, մեռածներու ոսկորները կը հարցնե՞ն քեզի «Ո՞ւր է մեր երազի պտուղը» . ըսէ՛, տեսնեմ, ի՞նչ է քու պատասխանդ :

ՍԻՐԱՆՈՅՇ — Այդ հարցումներուդ պատասխանները, մայրիկ, մէկը կայ որ կարող է տալ. անոր անունն է ՎԱՂԸ :

ԱՆՆԱ. — Բայց այդ «ՎԱՂ»-երը անհատնում են ու անստոյգ : Շատ մը գերի ազդեր, մեզի պէս նոյն երազովը տարուեցան, սակայն իրենց ազատութեան վաղորդայնը նոր ստրկութեան մը նախօրեակը եղաւ . . . :

ԱՇՈՏ — (Իր շինած փայտէ հրացանը կը բերէ ու կը ներկայացնէ մօրը ասով կրկնապէս անուց խօսակցութիւնը) Մայրիկ, տես, ի՞նչ գեղեցիկ հրացան մը ունեցայ . . . :

ՍԻՐԱՆՈՅՇ — (Ժպտելով) Ի՞նչ պիտի ընես հըրացանը Աշոտ :

ԱՇՈՏ — Հրացանը ի՞նչ կընեն որ . . . :

ՍԻՐԱՆՈՅՇ — Անով մարդիկ կսպանեն :

ԱՇՈՏ — Մա՞րդ կսպանեն ... ուրեմն հայրիկս
ինչ՞ու այդքան շատ կը սիրէ հրացանը . քանի անգամ
տեսած եմ , որ զայն իր բարձին տակ կը դնէ ու քնա-
նայ : Իմ հայրիկս բարի է , նա այդպէս բան չընէր ,
նա մարդ չսպաններ :

ՍԻՐԱՆՈՅՇ — Չաւա՛կս , հայրիկդ չարերը
կսպանէ :

ԱՇՈՏ — Արդեօք չարերը մարդ չե՞ն :

ՍԻՐԱՆՈՅՇ — Այո՛ , չարերն ալ մարդ են , բայց
բոլորովին տարբեր մարդեր են : Անոնք հաճոյք կըզ-
գան ուրիշները տանջելու , սպաննելու մէջ :

ԱՇՈՏ — Սակայն , մայրիկ , չես ըսեր թէ ինչ՞ու
այդպէս չար եղած են անոնք :

ՍԻՐԱՆՈՅՇ — (Կը գրկէ ու կը համբուրէ Աշո-
տը) ... Ա՛խ ... Աշոտ

ԱՇՈՏ — (Հետաքրքրութեամբ մօրը երեսը նա-
յելով) Ինչո՞ւ չես պատասխաներ ... :

ՍԻՐԱՆՈՅՇ — Աշո՛տ , չեմ պատասխաներ որով-
հետեւ չեմ կրնար : Գնա՛ , զաւակս , դնա խաղցիր
դուրսը , երբ դարձեալ միտքդ իյնայ նոյն հարցումը ,
հարցուր զայն Աստուծոյ միայն ... : (Մինչ այս խօս-
քերը կարտաբերուին , Տիկ-Աննա գլուխը կօրօրէ ու
հառաչանքի խոր շունչ կը քաշէ) :

ԱՇՈՏ — (Դուրս երթալու պահուն) Բայց ես
ո՞ւր պիտի գտնեմ այդ Աստուածը ... :

(Նայն պահուն ներս կը մտնէ Օր . Սաքեմիկ) :

ՏԵՍԻԼ Բ .

ՆՈՅՆՔ ԵՒ ՍԱԹԵՆԻԿ

ՍԱԹԵՆԻԿ — (Խօսքն ուղղելով Աննային) Մայ-
րիկ , Պր . Յակոբը հոս չեկա՞ւ տակաւին :

ԱՆՆԱ — (Ընդոտտ արթնցածի պէս) Ա՛հ , աղ-
ջի՛կս , դո՞ւն ես . ո՛չ դեռ չեկաւ . Ի՞նչ կայ . նորէ՞ն
բան մը պատահած է :

ՍԱԹԵՆԻԿ — Ո՛չ , բան մը չկայ , միայն իմացայ
որ ...

ԱՆՆԱ — Ի՞նչ , շուտ ըսէք , ի՞նչ իմացաք :

ՍԱԹԵՆԻԿ — Իմացայ որ Յակոբ եւ Յարէթ պի-
տի մեկնին այսօր ... :

ԱՆՆԱ — Եւ ո՞ւր ... :

ՍԱԹԵՆԻԿ — Խարբերդ ... :

ԱՆՆԱ — Խարբե՛րդ ... այդ տափակ ու լճա-
ցած միջավայրը , որու երկինքէն արծիւներն իսկ կը
վախնան թռչիլ : Աստուած իմ , չգիտեմ ի՞նչ հանե-
լի նախազգացում էր , որ անցաւ իմ հոգիէն ու դնաց
կորսուելի Գերեզմանական մթու թեան մէջ ... : (տա-
քի կելլէ ու կը մօտեմայ Քրիստոսի պատկերին) : Ո՛վ
բարի ու արդար Յիսուս , զթա՛ , զթա՛ մեզի պէս
մայրերուն ... (Նայն պահուն ներս կը մտնէ Յակոբ
ու լսիկ կանգնած՝ կը դիտէ պահ մը , մինչ մայրը կը
շարունակէ) Դուն որ կրնաս նայիլ հոգիներու խօրը ,
կարող ես տեսնել թէ ի՞նչ կայ հոս ... հոս միայն
պաշտամունք ու սէր կայ ... պաշտամունքը քեզի
համար , սէրը՝ իմ զաւակիս համար ... :

«ՅԱԿՈՒՐ — ՅԱԲԷԹ»

1462-2001 (92415)



ՏԵՍԻԼ Գ.

(ՆՈՅՆՔ ԵՒ ՅԱԿՈՒԲ)

ՅԱԿՈՒԲ. — Մա՛յր, թող անչունչ պատկերը
ու ինձի նայիր :

ԱՆՆԱ. — (Կարծես երագէ մը արքնցած կը վա-
զէ ու կը գրկէ գաւակը) Յակո՞բս, իմ ազնիւ գորո-
վալի Յակոբս, ես գիտեմ որ դուն չարութիւնը կա-
տես, ու կը զթաս մօր մը արցունքներուն :

ՅԱԿՈՒԲ. — (Մօրը ձեռքերը բռնելով) Մա՛յր,
ես չեմ սիրեր արցունքները, որովհետեւ անոնք՝
մեղկութեան ու թուլութեան ստինքներէն կը բղխին :
Ես կուզեմ որ դուն արհամարհոս, պաղարիւն ու քար
սիրտ ըլլաս, ինչպէս քու պաշտած Աստուածը : Տէ՛ս
մայր, սա Աստուածորդին՝ աշխատեցաւ ու խաչուն-
ցաւ յանուն մարդկային երջանկութեան, յայց այսօր
քսան դար վերջն իսկ, երբ աշխարհի բնակչութեան
կէսէն աւելին Քրիստոնէայ է, դեռ կը շարունակուի
ստրկութիւնը, կը շարունակուի տառապանքը : Ին-
չո՞ւ է այդպէս մա՛յր, որովհետեւ Քրիստոնէութիւ-
նը զթութեան ու սիրոյ կրօնն է, այսինքն՝ տկարնե-
րու եւ անպարտերու կրօնը, որ եղեր է չաճադործող
փոքրամասնութեան ձեռքին մէջ՝ մարդերը համա-
կերպութեան փարախը առաջնորդող գաւազան մը :
Եթէ կեանքը յաւիտենական ըլլար, ու ժպիտը հասա-
րակաց, եթէ աշխատանքի թաղաւորութիւնը հաս-
տատուէր հաւասար ու արդար վայելումի հիման վը-
րայ, մահը աննկարագրելի ապերջանկութիւնը պիտի
ըլլար մարդուն : Բայց այսօր, այսօր երբ մայրն իր
գաւակը ցաւով կը ծնի ու ցաւով կը մեծցնէ, այսօր
կրօնմ, երբ ամբողջ կեանքը զրկանքի, դժբախտու-
թեան ու տառապանքի շղթայաւորում մըն է, մահը
ցանկալի երջանկութիւնն է մարդուն : (Նայն պա-
ռուն Յակոբի ընկերներէն մին ներս կը մտնէ, Յակոբ

կը բողու մայրը : անծանօթը անոր ականջին բաճեր
մը կը փախայ ու երկուքը միասին կը մեկնին)
Մա՛յր, մնացած խօսքերս վերջը ... շուտով կը վե-
րադառնամ հիմա :

ՏԵՍԻԼ Դ.

ԱՆՆԱ, ՍԻՐԱՆՈՅՇ ԵՒ ՍԱԹԵՆԻԿ

(Սիրանոյշ գլուխը ձեռքերուն մէջ մտախոհ դիր-
քով . Սաթենիկ պատուհանին առջեւ տխուր ու ե-
րազկոտ, իսկ Աննա, սրդւոյն հեռանալէն վերջ՝ ձեռ-
քերը խաչաձեւ կրծքին վրայ՝ կը մնայ դրան սեմին
քով) :

ՍԱԹԵՆԻԿ. — (Ուղղուելով դէպի Աննային)
Մայրի՛կ, ինչո՞ւ կը վշտակըիս այդքան . տե՛ս դուն
ճանչցած ես սէրը, ամուսինի ու զաւկի սէրը, այ-
սինքն համակ կեանքը . բայց ես գեռ վարդի կոկոն
մըն եմ, որ ամէնալով կը նայի արեւուն : Այսօր, մե-
նութեան ու լքումի մէջ հիւսած երազներս, Յարէթը
կտոնէ ու հետը կը սանի : Պիտի վերադառնա՞յ
արդեօք, իմ երազները պիտի յանձնէ՞ ինձ . չեմ գի-
տեր . բայց ինչ ալ ըլլայ ես չեմ կրնար հաշտուիլ ա-
նոր քալած ճամբուն վրայ ժայտեր նետելու գաղա-
փարին հետ : Քօղը քաշենք մեր գլխին, մայրի՛կ, ու
ապրինք լուին ու անխօս՝ երկնային չարչարանքներու
կեանքը :

ԱՆՆԱ. — Սաթենի՛կ, եկո՛ւր նստիր ու մտիկ
ըրէ ինձի . (կը նստին երկուքը) դուն ալ Սիրանո՛յշ,
որ քիչ տառջ պաղարիւնութեամբ կը խօսէիր ու հի-
մայ տխրած կերելիս՝ մի մտածեր ... մտածում եւ
հոգ բոլորը, բոլորը ինձի թողուցէք : (Խօսքը կուղ-
ղէ Սաթենիկին) Սաթենիկ, խօսի՛ն ու միտի՛թարելը
չառ գիւրիւն են, գիտե՞ս . գիւրիւն՝ ինչպէս երազելն
ու յուտայը, բայց իրականութիւնը այնքան թեթեւ

չէ, որքան կը կարծուի: Դուն ըսիր որ մայր եղած չես. լա՛ւ. մայր չեղող մը մայրական ցաւերը չի կրնար ճանչնալ:

ՍԱԹԵՆԻԿ. — Այո՛, մայրիկ, չի կրնար ճանչնալ, բայց կրնայ երեւակայել ու երեւակայութիւնը կազդէ մտքին ու ջղային դրութեան այնպէս՝ ինչպէս իրականութիւնը եւ կրնամ ըսել թէ՛ յաճախ առաջինին արդիւնքը շատ աւելի ուժգին եւ աղէտաբեր կըլայ, քան թէ երկրորդինը:

ԱՆՆԱ. — Ամիսներով երկունքի ցաւերովը տառապիլ, ծնիլ գաւակը ցաւով ու արցունքով, մեծցընել գայն անհնարին չարչարանքով ու ապա լսել կեանքի պահանջը, — «Քո գաւակը քուկդ չէ, նա պիտի ապրի ուրիշներու համար, որք անծանօթ են քեզի, նա պիտի մեռնի այն քարտիրոսներուն համար, որոնք կտոր մը հաց նոյն իսկ չուզեցին տալ քեզ, երբ ստինքներուդ կաթը ցամքեր էր»: Ա՛հ, սա անտանելի է, Սաթենիկ, անտանելի ...: (Նոյն պահուն դրսէն կը լսուին տղոց ձայներ, «Չեմ տար», «Ինչպէ՞ս չես տար...», «Աս քարով գլուխդ կը կտրեմ եթէ մօտեմաս». «Քու հայրդ անօթի շանը մէկն է, դուն ինչպէ՞ս կրնաս ինձի գարնել». Աշոտ օգնութեան կը կանչէ մայրը, «Մայրի՛կ...»):

ՍԻՐԱՆՈՅՇ. — (Դուրս երթալով) Ի՞նչ կուզեն Աշոտէս ... (Կը վերադառնայ իսկոյն իր հետն առած Աշոտը, որ գրկեր է իր փայտէ հրացանը):

ԱՆՆԱ. — Ի՞նչ է թոռնիկս, ի՞նչ է պատահածը:

ԱՇՈՏ. — (Հեւալով ու լացողի ձայնով) Մեծ մայր, սա մեր դրացիին՝ Նշան Էֆէնտիի տղաքը ձեռքէս առնել ուզեցին հրացանս, որպէսզի կտորեն ... ինձի ըսին որ «Քու հայրդ անօթի շան մէկն է»: Ինչո՞ւ այդպէս կը կոչեն իմ հայրիկս, մայր:

ԱՆՆԱ. — Կը լսե՞ս Սաթենիկ, կը լսե՞ս եղածը: Ահա ասոնք են այն Հայերը, որոնց ազատութեան համար կաշխատի իմ զաւակս ու անոր պէս մտածող շատ մը ծաղիկ երիտասարդներ: Իմ որդին, իմ սիրելի Յակոբը շուն կը կոչեն, անօթի շուն մը, որովհետեւ անոր միակ մտածումը ուրիշներու համար զոհուիլն է եղեր: Գիտե՞ս, Սաթենիկ, ես այդ փոքրիկներէն չեմ ցաւիր, ես կը ցաւիմ անոնց հօրմէն, որ անշուշտ շատ անգամ կրկնած է նոյն բառերը, զորս ընդօրինակած են պղտիկները: Ասիկա ենթադրութիւն չէ. որովհետեւ դուք ալ լաւ կը ճանչնաք այդ մարդը, որ երկու տարի առաջ կառավարական տուրքին փոխարէն մեր անկողիները բռնի քաշելով ծախել տուաւ. (Այս խօսքերը ըսուած ատեն Սիրանոյշ իր գաւկիմ գլուխը կը գգուէ անխօս) Հիմա ըսէ տեսնեմ Սաթենիկ, կարժէ՞ միթէ ասանկներուն համար աշխատին ու տառապիլը ... ո՞վ գծած է այդպիսի պարտք մը:

ՍԱԹԵՆԻԿ. — (Մտառով կը ցուցնէ Յիսուսի պատկերը) Ան՝ մայրիկ, ան գծած է այդ պարտքի ուղին... «Սիրեցէ՛ք ձեր քղնամիները, բարի՛ ըրէ՛ք անոնց՝ որք ձեզ կը հալածեն». ահա այս է անոր պատուէրը: (Այդ պահուն արդէն ներս մտած կըլալ Յակոբ):

ՅԱԿՈԲ. — Ո՛ր, Օրիորդ, մենք Անոր պատուերին համեմատ չենք շարժիր: Այդ պատուէրը երկու հազար տարիներէ ի վեր չըթուենքներու խաղալիք եղեր ու անիրագործելի մնացեր է: Նա ծծեր ու ցամքեցուցեր է ընդվզումի ու յեղափոխութեան ամեն ձգտում. Նա ժողովուրդը վարժեցուցեր է համակերպումի ու ստրկութեան: Ո՛ր, մենք նոյն շաղկին չենք հետեւիր ...: Եթէ վերցուին լեզուի ու բազուկի շլթաները, մենք պիտի բռնենք շահագործող փոքրամասնութեան օձիքը ու պիտի պարտադրենք համակերպութիւն այն արդար կարգերուն, ուր պիտի

տիրէ հաւասար աշխատանքի, հաւասար վայելքի օրէնքը:

ՍԻՐԱՆՈՅՇ. — Կը լսե՞ս, մայրիկ, թէ ի՞նչ կըսէ նա:

ԱՆՆԱ. — Ա՛հ, անոր ըսածները չեմ հասկնար ես

ՅԱԿՈՒ. — Մա՛յր, եթէ իմ բոլոր ըսածները չես հասկնար՝ անշուշտ կը հասկնաս ի՞նչ որ հիմակ ըսելու եմ : Տուր ձեռքդ մա՛յր, պիտի մեկնիմ . . . պիտի մեկնիմ՝ գուցէ առ յաւէտ . . . : Հոս՝ չի հասկընալու բան չիկայ այնպէս չէ՞ . . . :

ՍԱԹԵՆԻԿ. — Ո՛ւր պիտի մեկնիք:

ՅԱԿՈՒ. — Ուր որ պարտականութիւնը կը կանչէ . . . :

ԱՆՆԱ. — Եւ ո՞ւր է այդ պարտականութիւնը:

ՅԱԿՈՒ. — Ուր որ մարդիկ կան, ուր որ հարբատահարողներ ու հարստահարուողներ կան, ուր որ բռնապետներ ու ստրուկներ կան, ուր որ դահիճներ ու գոհեր կան. կը հասկնա՞ս, մա՛յր, հոն է իմ պարտականութիւնը: Բայց . . . թողո՛ւնք ասոնք. կորսընցնելու ժամանակ չունիմ ես. մէն մի վայրկեան գրի կառնուի . . . : (ձեռքը կը բռնէ վօրը) Ձեռքդ ինձի տուր մա՛յր, (Քիչ մը լսելէ վերջ կը շարունակուի) միևն միևնները անձկոտ մտիկ կընեն): Աս իմ մնաս բարովն է, որ կըսեմ քեզ, գուցէ վերջին մնաս բարովը. որովհետեւ մեր քաղաք ճամբուն մէջ միշտ մահն է որ կընենք մեզի: Եթէ սրտիդ խորը ինձի ըստացած վիշտ մը ունիս՝ թաղէ՛ մա՛յր, ու ներէ ինձ (Հոս Աննան իր մէկ ձեռքով թաշկիւնակը կը տանի աչքերուն). որովհետեւ ես քեզ նման անօգնական ու լացող մայրերու համար կաշխատիմ: Եթէ մեռնիմ օր մը, գերեզմանս սրտիդ մէջ փորէ մա՛յր, ու հոն թաղէ մարմինս . . . գլխուս վերեւ կանգնե-

ցուր խաչ մը, որուն քով ազօթելու բեր Աշտուր ամեն առտու կանուխ, աղօտ՝ բայց յուսալից արչալոյսներուն : (Վօրը ձեռքը կը քողու ու կը գրկէ Աշտուր) Այնպէս լաւ չըլլա՞ր Աշտուս. երբ ես մեռնիմ՝ պիտի գաս գերեզմանիս վրայ, պիտի գաս թափել աղի արցունքներ, հալեցնելու համար մեծ միսպետին կրաքարէ խիղճը . . . : (Կը հիքուրէ Աշտուր) Աշտ՛ու իմ փոքրիկ հրեաշտակ, ես կերթամ, որպէսզի քեզ պէս որբերը վշտի ծովէն ազատեմ ու անարգանքի սիւնին կայուած արգարութեան Աստուածը հատուցման խորանին վրայ բազմեցնեմ:

ԱՇՈՏ. — Ուրեմն հիմայ չի լա՞մ հայրի՛կ:

ՅԱԿՈՒ. — Ո՛չ, դաւակոս, հիմայ մի լար . . . :

ԱՇՈՏ. — Հապա ե՞րբ, երբ մեռնիս այն ատենը :

ՅԱԿՈՒ. — Այո՛, Աշտ՛ու, երբ մեռնիմ՝ այն ատենը լաց. լաց՝ երբ արդէն

ԱՇՈՏ. — Բայց չեմ կրնար չի լալ հայրի՛կ (կը հեծկլտայ ու կը գրկէ հօրը պարանոցը):

ՅԱԿՈՒ. — Մի լար Աշտ՛ու, մի՛. արցունքներդ մի՛ հառցներ : Երբ պտուկած ըլլամ գերեզմանի մէջ ու իմ հոգին այրի Յուլիսի արեւէն, ես պէտք պիտի ունենամ քու արցունքներուդ, որք պիտի ցօղուն իմ այրած երազներուս վրայ: Մնաս բարով, հոգեակոս, գուցէ ուրիշ ատեն ալ չի կրնամ տեսնել քեզ: (Կը համբուրէ իր որդին, միևն կիները զինք կը դիտեն արտասուալի աչքերով) Եթէ պէտք ունենաս ինձի ու չափահաս ըլլալէդ վերջ՝ ուզես զիս գտնել, առապանքի հրեշտակը պիտի առաջնորդէ քեզ այն ճամբայէն, որ փչոտ է ու կարմիր . . . (կրկին համբուրելէ յետոյ՝ կը բռնէ Սիրանոյշի ձեռքը) Սիրանոյշ, մեր ամուսնութենէն առաջ՝ երբ մեր հոգիները սիրոյ վրսեմ սարսուռովը կը մօտենային իրարու՝ ես անդի-

տակ ազգազայէն՝ երջանիկ կեանքի մը խոստումները կը շոռայէի քեզի, բայց ի՞նչ եղաւ յետոյ. մեր պսակը խաչին քով մնաց ու մեղրալուսինը՝ սարսափի ու տառապանքի մէջ: Ներէ ինձի Սիրանո՛յշ, որ իմ խոստումները չը կրցի իրագործել: Ըսելիքներ շատ ունիմ, բայց ժամանակ՝ ոչ...: Ես չեմ ուզեր որ լաս կամ ողբաս իմ վրայ. եթէ զիս կը սիրես՝ նայուածքդ մի հեռացնէր Աշոտէն. սովը եցուր անոր իմ քալած ճամբան, որ դժբախտութեան ու չարչարանքի մեծագոյն առաքինութիւնը ուրիշի համար տառապիլը, ուրիշի համար գոհուիլն է. թէ մեծագոյն գործը հրդեհի փոխին է հին շէնքը, որու բոցեղէն լեզուին տակ պիտի վառին դարերու անպատուութիւնն ու անարգանքը, թշնամոյն արեան՝ ծարաւն ու ատելութեան կուռքը (կը համբուրէ ֆակատը ուժգին ձեռնասեղմումով):

ՍԻՐԱՆՈՅՇ. — (Տկար ձայնով) Պիտի աշխատիմ, այո՛, պիտի աշխատիմ կատարել քու պատուերներդ...: Գնա՛, Յակո՛բ, գնա. գնա՛, հոգ չէ թէ Սիրանոյշը սեւ լաշաքը փաթթէ իր գլխին, բաւական է որ այն միւս Սիրանոյշները ազատութեան յոյսը կուենան...:

ՅԱԿՈՒԲ. — (Անգամ մըն ալ սեղմելով կը քողու ներս ձեռքը) Ահա այդպէս Սիրանոյշ, այդպէս պազարիւն ու քարսիրա եղեր...: (Յետոյ ուղղելով Սաքեմիկին) Իսկ դուք՝ Օրիորդ Սաթենիկ, պէտք է գիտնաք թէ մոռցուած չէք. Յարէթը յանձնարարեց ինձ ձեր ձեռքը սեղմել ու իր մնաք բարովն ըսել: Նա թէեւ պարտաւոր էր, բայց չկրցաւ գալ ձեզ տեսնելու: Կան տեսակ մը նուիրական պարտականութիւններ, որոնց առջեւ հասարակ պարտքերը անարժէք կը դառնան: Մնաք բարի (կը սեղմէ ձեռքը):

ՍԱԹԵՆԻԿ. — Երթաք բարով անգին հերոս, երթաք բարով...: Ըսէ՛ք Յարէթին, որ իր մնաս բարովին փոխարէն, իր՝ ինձի համակրութեան ու սիրոյն

փոխարէն ես իրեն կը յանձնեմ Հայ անտէր հարսներու, լացող մայրերու, որբացող մանկանց լեռնակուտակ բողոքը, Հայ մանչերու, Հայ երիտասարդներու, Հայ աղջիկներու դարաւոր վրէժի կտակը... Երթաք բարով... (Յակոբ գլուխը կը խոնարհեցընէ):

ՅԱԿՈՒԲ. — (Դարձեալ կը համբուրէ Աշոտը...)
Քու աչքերուդ մէջ ես կը տեսնեմ երազներուս ծաղիկը, Աշոտ...:

ԱՇՈՏ. — (Կուլայ) Հայրե՛կ...:

ՅԱԿՈՒԲ. — (Գրկելով Մարյը) Նորէն մնաք բարով կըսեմ անո՛ւշիկ մայրիկս... Յուսացէ՛ք, աղօթեցէ՛ք, սպասեցէ՛ք...: (Կը քողու սեմեակը ու կելլէ դուրս. անոր կը հետեւի եւ Սաքեմիկ՝ ձեռքովը ծածկած երեսը):

ՏԵՍԻԼ Ե.

(ՍԻՐԱՆՈՅՇ, ԱՆՆԱ ԵՒ ԱՇՈՏ)

ԱՆՆԱ. — (Ձեռքերը դէպի դուռը երկարած) Անգո՛ւթ, անգո՛ւթ... ո՞ր այդպէս... ո՞ր մայրերը ինձմէ աւելի տառապեցան, որոնց համար գոհուելու կերթաս (Ապա ծնրադրելով Քրիստոսի պատկերին առջեւ կսկսի մեմախօսել, մինչ Աշոտ՝ պլուրած իր մօրը՝ կը դիտէ տհաքեկ) Աստուած իմ... դուն չարչարուեցար որպէսզի չարչարանքը վերցնես աշխարհէն, խաչուեցար՝ որպէսզի խաչը թաղես իսպառ. ուսկի՞ց ելաւ այսքան չարչարանք, ուսկի՞ց ծնան այսքան խաչեր... Յիսուս Քրիստո՛ս, արդեօք Սատանան զօրաւոր էր քեզմէ, որ քու ցանած վարդերդ քաղեց ու անոնց տեղը փուշ ու տապասկ տնկեց... (Քիչ մը կը լռէ) բայց... աս ինչէ՛ր կըսեմ ես... մեղա՛յ քեզ, Աստուած, մեղա՛յ քեզ...:

Ես յանցաւոր չեմ, վշտի կրակն է, որ ինձ մե-
զանչել կուտայ ... Գթա՛, Յիսուս, գթա իմ վրայ.
գթա՛, յանուն քու սիրելի մօրդ ... տե՛ս, ինչպէ՛ս
որբի պէս մնացինք գրան ետեւ, մեր գլխին վերեւ ու-
նենալով սարսափը, ոտքերնուս առջեւ անօթութիւ-
նը ... : Հսկէ՛, ս՛վ Բարերար Աստուած, հսկէ մեր
վրայ, հսկէ եւ իմ սիրելի Յակոբիս վրայ, քու ան-
քուն աչքերովդ : Եթէ ողջակէզ մը պէտք է քեզ, ե՛ս
կըլլամ այդ ողջակէզը, ս՛վ Աստուած : (Յետոյ դառ-
նալով Սիրանայի ու Աշոտին) Եկէ՛ք զաւակներս,
զուք ալ եկէք որ միասին աղօթենք, մեզ պէս որբուկ
թշուառներուն ձայնը Նա կը լսէ անտարակոյս (Սի-
րանայ կը մօտենայ Աշոտին հետ եւ երեքը միասին կը
ծնրադրեն) Տէ՛ր, մենք չարութեան կաթ չենք տուեր,
ոչ ալ ատելութեան արիւն ... : Լսէ՛ մեզ Տէ՛ր, լսէ
մեզ ... :

ՎԱՐԱԳՈՅՐ



ԱՐԱՐՈՒԱԾ Բ.

(Տեսարանը կանցնի Խարբերդ՝ Տիկ. Մարիցա-
յի տան մէկ սենեակին մէջ, ուր նստեր են Յակոբ,
Յարէք եւ Յ. Սէմէրնեան : Իրաքանչիւրը կը ծխէ
իր սիկարէթը լուռ ու մտածկոտ : Սենեակին մէջտե-
ղը կայ սեղան մը. շարք մը աքոսներ եւայլն ...) :

ՏԵՍԻԼ Ա.

(ՅԱԿՈԲ, ՅԱՔԷԹ, ՍԵՄԵՐՆԵԱՆ)

ՅԱԿՈԲ. — (Պահ մը ուռքի կելլէ ու կը օրջի սեն-
եակին մէջ) Աշխատի՛ր, չոգնի՛ր, տառապի՛ր, հա-
մոզէ՛ որ անձնական նկատում չունիս, ջանա՛ հաւ-
տացնել թէ ուրացած ես անձդ, պառկեր ես խոնաւ
տեղեր վախով ու արհաւիրքով. մտածէ՛ շարունակ
լաւագոյն միջոցը յաջողութեան. ցոյց տուր ազա-
տութեան ճամբան, որ այնքան պարզ ու կտրուկ.
զոհէ՛ կեանքդ ու կեանքէդ աւելի բան մը եթէ կայ,
ու պիտի տեսնես դարձեալ նոյնը. սա՛ն անտարբե-
րութիւն ... : Ո՞վ քաշեց հանեց այս սերունդի սըր-
տէն բռնութեան դէմ ընդվզումի բնական զգացու-
մը : Անկարելի է մօտենալ Հաչ աղաներուն ու էֆէն-
տիններուն, անոնք՝ գիշեր ցորեկ՝ փայփայելով կըզ-
բաղին իրենց ուռա ծքսակներով : Գարշելի մասկոյ-
տե՛ր, որոնք կեանքի բարիքը կըմրոշխենն ուրիշնե-
րու տառապանքի գնովը, բնութեան տուած վայելք-
ները կը մարսեն ու իրենց ետեւ աղբի դէզ մը թողու-
միացն գիտեն : Երկտասարդութիւն մը կայ, որ

հազուելի սքուելու սիրահար, հաճոյքներու մօղի՝ կզգուշանայ արտասանել Յեղափոխութիւն անունը. որովհետեւ մայրերն իրենց կաթին հետ մեղկութեան ու վախի թոյնը ներարկած են անոնց երակներուն մէջ: Կայ միախօնարական հաստատութիւն մը, հըսկայ ու գեղեցիկ դրսերեւոյթով, ուր հարիւրաւոր ուսանողներ կան. մօտեցիր անոնց. ի՞նչ սովորած են անոնք այդ փառաւոր Գօլէճին մէջ. Թուարանութիւն, Երկրաչափութիւն, Աստղագիտութիւն ու դեռ շատ մը ուրիշ ութիւններ, բաց՝ երբէք Դիմադրութիւն, երբէք Իրաւունքի ու Ազատութեան դիտակցութիւն: Ճիշտ է կան մի քանի աշակերտներ, որոնք կողեն իրենց սիրտը կապել նոր հնօցին, բաց ստիպուած են անոնք ալ քաջուել անկիւն մը ու լռել՝ քանի որ այնքան ճնշիչ է չըջապատը:

Ա՛հ, ես երբէ՛ք չէի կարծեր թէ յուսահատութիւնը այնքան շուտ պիտի դիմաւորէր զիս: Երկու ամիսէ ի վեր է որ Խարբերդ եկած ենք՝ բայց դեռ գործ մը տեսած չունինք: Եթէ երեւոյթները ասանկ շարունակուին՝ մենք չը պիտի կրնանք արդարացնել մեր վրայ դրուած յոյսերը:

ՅԱԲԷԹ. — Այդքան շուտով մի յուսահատի՞ր Յակոբ: Գործ մը երբ հեշտութեամբ կը կատարուի, անարժէք կը դառնայ: Փոխանակ յուսահատելու՝ պէտք է արհամարհել, փոխան ընկրկելու՝ պէտք է խիզախել. ահա աս է մեր ճամբան:

ՅԱԿՈՒ. — Պահ մը կը կենայ ու Յարէթին կը նայի) Յարէ՛թ, զիս նո՞ր պիտի պատրաստես: Չը յուսահատի՛ր... կեանքիս մէջ քանի՛ քանի՛ անգամներ դիմադրուած եմ անանկ վտանգներու, որոնց նկարագրութիւնը դիտու պտոյտ կուտայ: Երբ թշնամոյն գնդակները անձրեւի պէս կը տեղաչին մեր վրայ, յուսահատութիւնն ու վախը չէին համարձակեր մօտենալ ինձի, որովհետեւ կողքիս կը տեսնէի իրենց անձը ուրացող դիւցազուններ միայն: Սակայն

ի՞նչ կը տեսնեմ հոս, նապաստակի պէս վախկոտ արարածներ, կեղծաւորներ. քանի մը զուրուշի համար իրենց սրբութիւնը ծախող շահամոլներ: Երկու օր առաջ էր, այնպէս չէ՞ Յարէթ, երբ խայտառակեցինք Խուրու Խաչուի տղան, որ ոսկի մը գողնալու ցածուգիութիւնն էր ըրեր յանուն Յեղափոխութեան հաւաքուած դրամէն: Աս գողութիւնը ընողն է ընկեր մը, Յարէ՛թ, ալ ինչպէ՞ս կարելի վստահել այսպէս մարդոց: Հաւատացէ՛ք ինձի, իմ սիրտս, որ դողալ չէր գիտեր մահուան առջեւ, հիմայ կը դողայ հայու մը ներկայութեամբ:

ՅԱԲԷԹ. — Յակոբ, բոլոր մարդիկ իրաւունք չունիս ձեւելու մէկու մը վրայ:

ՅԱԿՈՒ. — Այո՛, իրաւունք չունիմ. բայց ինչպէ՞ս ճանչնալ իրական մարդը: Գիտութիւնը հնարած է արդեօք գործիք մը, որ պատկերն առնէր մարդկային նկարագրին, որով կարողանայինք լաւելլը դատել վատերէն. ո՛չ, ո՛չ, Յարէ՛թ... այդպիսի հրաշալի մեքենայ մը չիկայ, ատոր համար ես ստիպուած եմ կասկածանքով նայիլ բոլորտիքս: Ու այդ կասկածը իմ հոգին շատ աւելի կը ճզմէ քան բուն իսկ վտանգի ներկայութիւնը (Քիչ մը լռին քալելի վերջ) Բայց... թողունք ասոնք հէ՞... .. (կը կենայ Սէմէրմեանի դէմ) Է՛, ըսէ՛ տեսնենք Յարութիւն, բանտն այցելեցի՞ր. Չէրքէզ Իսմայիլը տեսա՞ր...:

Սէմէրմեան. — Այո՛, դացի ու երկար բարակ խօսեցայ հետը. ահա՛, ձեռքի մատնին տուաւ (կը հաննէ մատնին, գոր աչքէ կանցնեն երեք ընկերները) որպէսզի ցոյց տանք իր քրօջն ու փեսային՝ մեզի վըստահելու համար:

ՅԱԿՈՒ. — Վստա՞հ ես, որ այդ մարդը մեզի չը պիտի դաւաճանէ:

ՍէՄէՐՃ. — Այո՛, վստահ եմ :

ՅԱԿՈՒՅ. — Իսկ փեսան ինչպէս մարդ է :

ՍէՄէՐՃ. — Նա իր խօսքին գերի՛ քաջ աւագակ մըն է, որուն վրայ կարելի է ժամանակաւորապէս կըթնել. իսկ կինը կը գերազանցէ ամուսինը : Մեր այս գործին մէջ գլխաւոր գերակատարը կինը պիտի ըլլայ :

ՅԱԲԷԹ. — Գումարի քանակը որոշ հասկցա՞ր :

ՍէՄէՐՃ. — Ընդամենը 20,000 ոսկի :

ՅԱԿՈՒՅ. — Այդ գումարը թաղուա՞ծ է :

ՍէՄէՐՃ. — Այո՛, եւ իրենք ճիշտ թաղուած տեղին վրայ կը պառկին, գրկած իրենց հրացանները. իսկ խօշոր գամբու մը կը պահպանէ տունը :

ՅԱԲԷԹ. — Շունը պիտի դժուարացնէ խնդրը :

ՍէՄէՐՃ. — Այդ մասին կրնանք ասահով ըլլալ Ձեր քէզուհին գամբուը կըցած է շահիլ՝ միշտ աննրկատ մնարով. նա վստահեցուցած է որ՝ որոշուած գիշերը զան պիտի կրնայ պարտէզէն հեռացնել ու տեղ մը բանտարկել :

ՅԱԲԷԹ. — Բայց... ինչո՞ւ չի թունաւորեր :

ՍէՄէՐՃ. — Որովհետեւ թունաւորումը գաւազըրութեան մը կասկածը կարթնցնէ, որու հետեւանքը կըլլայ խիստ զգուշութիւն ու պահպանութիւն :

ՅԱԿՈՒՅ. — (Գլուխը օրրելով, մտածկոտ) Ճիշտ է... Բայց ինչ որ ալ ըլլայ՝ այս գործի չաջողութիւնը կը պահանջէ քանի մը դիակ. միայն՝ դիպուածը պիտի որոշէ թէ անոնք ո՛ր կողմէն պիտի փրուուին : (Քիչ մը կը լսէ) Դուն ան ըսէ, Յարութիւն, այդ գիւղը որչա՞փ հեռու է ասկէ :

ՍէՄէՐՃ. — Ութը ժամ կաննէ քալելով :

ՅԱԿՈՒՅ. — Ո՞վ պիտի առաջնորդէ մեզ հոն :

ՍէՄէՐՃ. — Բազմաչնցի Նիկոն :

ՅԱԿՈՒՅ. — (Ժպիտով մը) Լա՛ւ... նա բաւական ճարպիկ մարդ է ու փորձառու ալ (կը շարունակէ պտտիլ) Տեսնե՛նք... Ե՞րբ ձեռնարկելու ենք այդ գործին :

ՍէՄէՐՃ. — Յառաջիկայ Հինգշաբթի կսկսի թուրքաց Բամագանը : Մենք՝ գործի պիտի ձեռնարկենք Ուրբաթ գիշերը :

ՅԱԿՈՒՅ. — Բամագանի գիշեր՝, հը՛... կը հասկընամ. որովհետեւ թուրքերը երկար կը նստին, շատ կը խմեն ու վերջը խորուն կը քնանան. անանկ չէ՞... աղէ՛կ... աղէ՛կ... (յանկարծ բան մը յիշելով կը կեկայ) Հա՛, լաւ միտքս ինկաւ, Յարութիւն, զէնքերը ու՛ր պահել որոշեցիք :

ՍէՄէՐՃ. — Շիտակը մասնաւոր տեղ մը չունինք. միակ վստահելի տեղը մեր սենեակին տակ Բալուցի Խօճաչի մը վարձու տուած սենեակս է : (Յակոբ հաս կը ցնցուի, կապտի) Այդ մարդը տարին միայն մէկ անգամ կուգայ, ան ալ՝ Մարտ ամսոյ մէջ, — Հինգ կամ վեց շաբաթ կը մնայ՝ կանցնի կերթայ : Չորս օր է որ մեկներէ Բալու. վստահ եմ որ չի թալ : Չորս օր է որ մեկներէ Ինն ամիս : Իսկ մենք արդէն մի քանի օրէն՝ լաւ թաղստոց մը կը գտնենք, որով բոլորովին ասպահով կըլլանք :

ՅԱԿՈՒՅ. — (Մտածկոտ) Բայց Յարութիւն, կեանքը շատ անակնկալներ ունի գիտե՞ս... Եթէ այդ Խօճան հիմայ վերադառնա՞յ, ի՞նչ ընելու ես :

ՍէՄէՐՃ. — Անկարելի է :

ՅԱԿՈՒՅ. — Բայց ուսկէ՞ այդչափ վստահութիւն :

ՍէՄէՐՃ.— Հինգ տարուայ փորձառութենէս :
Հինգ տարի է որ այդ մարդը անփոփոխ կերպով
նոյն բանը կընէ : Մարտին կուգայ, Ապրիլ 15-ին կը
մեկնի : (Կը խնդայ) :

ՅԱԿՈՒՔ.— (Դարձեալ սիկրէթ մը կառնէ ու կը
վառէ) Սէմէրճեա՛ն, եթէ դուն փորձառութեանդ
կը կրթնիս՝ ես կը կրթնեմ իմ բնագրումիս . ու բը-
նագրումս կըսէ, որ այդ տեղը վտանգաւոր է . Խօսան
կընայ հինգ տարուայ չըրածը այս տարի ընել : Մենք
վաղն իսկ չարմար տեղ մը գտնելու եւ գէնքերը փո-
խադրելու ենք :

ՍէՄէՐՃ.— Ատոր անհամաձայն գտնուելու
պատճառ մը չունիմ, Յակո՛ւք . կընենք այն՝ ինչ որ
կուզես . միայն թէ..... :

ՏԵՍԻԼ Բ.

(ՆՈՅՆՔ ԵՒ ՏԻԿԻՆ ՄԱՐԻՅԱ.)

(Նոյն պահուն ներս կը մտնէ Տիկ . Մարիցան .
ափսէի մը վրայ երեք գաւաթ լի սուրճով, գոբ խըն-
դումով մը կը դնէ սեղանին վրայ)

ՄԱՐԻՅԱ.— (Իր հիւրերուն դէմքերը ժպտումով
դիտելի վերջ) Կերեւի թէ արդէլք եղայ ձեր խօսակ-
ցութեան :

ՅԱԿՈՒՔ.— Ո՛չ, քո՛յր իմ, մենք քեզմէ գաղտնիք
չենք պահեր, դուն կընայիր սկիզբէն ալ նստիլ մեզ
հետ ու մտիկ ընել :

ՄԱՐԻՅԱ.— Չը գիտեմ, պըն . Յարութիւնը
«միայն թէ»... ըսաւ ու լռեց, երբ ես ներս մտայ :

ՍէՄէՐՃ.— (Խնդալով) Չեզ համար չէր Տիկին,
«միայն թէ» ին ետեւ ըսելու խօսք չը կար, ատոր
համար լռեցի : (Կառնեն սուրճի գաւաթները կսկսին
խմել)

ՅԱԲԷԹ.— Չէնքերու թագստոց մը գտնելու
խնդիրն էր դժուարը, անանկ չէ՞, Սէմէրճեան . «մի-
այն թէ ապահով տեղ մը չիկայ հիմա» պիտի ըսէիր :

ՍէՄէՐՃ.— (Ժպտելով) Ճիշտ որ դուշակեցիր
Յարէթ :

ՄԱՐԻՅԱ.— Չէնքերու թագստոց... Վաղարշը
տեսնելու է անգամ մը . նա սատանայի պէս տղայ է .
հազար ու մէկ տեղ կընայ գտնել : Կեցէ՛ք, ամեն ի-
րիկուն մեր Չաւէնը տեսնելու կուգայ . այս իրիկուն
ժամը 2-ին ձեր տունը կը դրկեմ զայն պըն . Սէմէր-
ճեան . լաւ չըլլա՞ր : Ես իրեն կը բացատրեմ ամեն ինչ .
անոր՝ մինչեւ ձեզ տեսնելու միջոցը բաւական է աղ-
տըր թագստոց մը ձեզ ցոյց տալու վստահութիւնը ու-
նենալու համար :

ՅԱԿՈՒՔ.— Կը ճանչնամ Վաղարշը, նա սրամիտ,
ճարտար ու հիանալի տղայ է :

ՅԱԲԷԹ.— Քիչ առաջ Խարբերդցիներուն չէիր
հաւնիր Յակո՛ւք :

ՅԱԿՈՒՔ.— Բայց ո՛չ ամենքը... :

ՄԱՐԻՅԱ.— Պըն . Յակոբ խիստ խստապահանջ է
արդէն... ինչ որ է, ինձի ներողութիւն . քանի որ չեմ
կընար Չաւէնիս քովէն բաժնուիլ :

ՅԱԿՈՒՔ.— Չաւէնը դեռ նոյն վիճակի մէջ է :

ՄԱՐԻՅԱ.— Այո՛, պըն . Յակոբ, այո՛... :

ՅԱԿՈՒՔ.— Այդ հիւանդութիւնը, քոյր իմ, վա-
ղուց կը բուժուէր, եթէ նա այդքան յամառ չըլլար :

ՄԱՐԻՅԱ.— Գիտեմ այդ, պըն . Յակոբ :

ՅԱԿՈՒՔ.— Վերցուր այդ դրքերը ու վառէ բո-
լորն ալ, տեսնեմ ի՞նչ պիտի գտնէ կարգալու համար :

ՄԱՐԻՅԱ.— (Խոր շունչ մը կը քաշէ) Չեմ կընար

այդ ընել, պրն. Յակոբ. նա անմխջադէս կը մեռնի. . . . ա'խ, չէ՞ք գիտեր. . . . ինչե՛ր կան հոս, այս ցա-
ւոտ սրտիս մէջ. . . . : Ի՞նչ որ է. . . . Դուք ձեր
խորհուրդին նայեցէք, ես՝ իմ ճակատագրին: (Կել-
լէ գուրս գլխիկոր):

ՅԱԿՈՒԲ. — Զարմանալի տղայ է այդ Զաւէնը:

ՅԱՒԷԹ. — Փճացած տղայ մը:

ՅԱԿՈՒԲ. — Ամերիկան գինքը շինած է այնպէս:

ՍԷՄԵՐԺ. — Ես ալ Ամերիկա մնացեր եմ Յա-
կոբ. ես ինչո՞ւ չեմ եղեր այնպէս:

ՅԱԿՈՒԲ. — Է՛հ, չեմ գիտեր. ան մտեր է տար-
բեր շրջանակի մէջ: Երեւակայեցէ՛ք, որ հայերէն
թերթ կամ գիրք կարդացած չունի երբէք. շարունակ
հետեւեր է օտար լեզուի, յու լափեր է Ընկերվարա-
կան անիշխանական բոլոր գրքերը: Մերթ շէրվէյի
անունը, մերթ Նիցչէի, մերթ Մաքս Շտրնեբերի խօս-
քերը կարասանէ հիացմամբ, մերթ Բակունիի,
բայց շարունակ իր շրթունքներէն չի հեռացներ Քարլ
Մարքսի անունը: «Միջազգային Բանուորութեան
Քրիստոսը» կը կոչէ զայն: Մարքսի Քափիթալը բար-
ձին վրայ գնելով կը քնննայ. . . . :

ՍԷՄԵՐԺ. — Խեղազար է բացարձակապէս:

ՅԱԿՈՒԲ. — Ինձ ալ այնպէս կը թուի թէ խելա-
գար է. բժիշկը զեղ կուտայ՝ զեղը կը նետէ մէկ
կողմ. ոչ պատուէրի կը հնազանդի, ոչ հրահանգի.
«գիրքն է իմ բժիշկը» ու կրծքին կը սեղմէ իր քով
զիցած գրքերը:

ՅԱՒԷԹ. — Որոչ սկզբունք մը չի պարզեր. ոչ
ընկերվարական է, ո՛չ անիշխանական. չես գիտեր թէ
ի՞նչ է իր ուղին:

ՅԱԿՈՒԲ. — Զուտ Դասակարգային կոխ կը ճան-
չընայ. ամեն բան կը ժխտէ. եւ ազգութիւն, եւ

հայրենիք, եւ լեզու, եւ կրօն, եւ աւանդութիւն.
ամեն բան. «Դասակարգային գիտակցութիւն». ա՛ս
է իր հաւատամքը:

ՅԱՒԷԹ. — Զի՞ գիտեր թէ Սօցիալ Դէմօկրատ
Հնչակեան Կուսակցութեան հեռաւոր նպատակը՝
Դասակարգային սլայքարն է:

ՅԱԿՈՒԲ. — Գիտէ. բայց կը հակառակի Յեղա-
փոխական ցոյցերուն, ազգային գաղափարի պրօպա-
գանդին: Պիտի խնդաք երբ ըսեմ թէ կը քննադատէ
նոյնիսկ Սօցիալ Դէմօկրատիան: Այդ Կուսակցու-
թիւնը կրտէ նա, ունի խոշոր պակասներ, զորս լրա-
ցընելու է Հէրվէյի հակահայրենասէր դրօշին պար-
զումովը, Կասրար Շմիթի «Էկօիդմովը», Բրուտոնի
«Ընկերային պայմանադրումովը», Բակունիի «Ազա-
տութեան ու հաւասարութեան սկզբունքներովը»: Այս
հրաշալի տարրերու միաձուլումն է որ չկրտէ Զա-
ւէն, պիտի կերպարանափոխէ այսօրուան Սօցիալ
Դէմօկրատիան, բիւրեղացնելով անոր հիմնաքարը
կազմող Մարքսիզմը. . . . :

ՅԱՒԷԹ. — Այդ տղան իբր ի՞նչ բան տարկուած
է եղեր Ամերիկայի մէջ:

ՍԷՄԵՐԺ. — Իբր Անիշխանական:

ՅԱՒԷԹ. — Ինչպէ՞ս ուրեմն, Ընկերվարութեան
անունով կը խօսի:

ՍԷՄԵՐԺ. — Զեմ գիտեր:

ՅԱՒԷԹ. — Յնորած է. մէկ խօսք:

ՅԱԿՈՒԲ. — Յարէ՛թ, ես այդ տղուն գաղափար-
ները չեմ բաժներ, երբէ՛ք. որովհետեւ ազգ մը իր
քաղաքական ազատութիւնը, իր կեանքի ապահո-
վութիւնը ունենալէ վերջն է, որ պիտի մտնէ Տնտե-
սական սլայքարի դաշտը: Այս է Սօցիալ Դէմօկրատ
Հնչակեան Կուսակցութեան թէզը: Եթէ այդ Զաւէնը

մի քիչ ուսումնասիրէր Սօցիալ Դէմօկրատ Հնչակեան Կուսակցութեան գրականութիւնը՝ թերեւս որոշ համոզման մը դար:

ՅԱԲԷԹ. — Ատկէ բան յուսարը անկարելի է Յա- կո՛ր...:

ՅԱԿՈՒԲ. — Իսկապէս անանկ է ու ես կը մեղքա- նամ չիտակը:

ՍԷՄԵՐՃԵԱՆ. — Ես ամենէն շատ կը մեղքանամ Ձաւէնի մօրը եւ քրոջը վրայ: Մայր ու աղջիկ՝ Խարբերդի Յեղափոխական ծաղիկներն են, բայց աւա՛ղ, անոնք ալ կը տառապին անանկ ցաւով մը որ գո՛րծար է արձակել իրենց բազուկներն ու մտնել գործի ասպարէզը:

ՅԱԿՈՒԲ. — Քանի մը օրէ ի վեր Օրիորդ Լուսիա չափազանց տխուր ու մտահոգ կերեւի: Խեղճ աղ- ջիկը յայտնի է որ եղբօր մասին շատ կը մտածէ:

ՍԷՄԵՐՃԵԱՆ. — Ես ալ այնպէս կը տեսնեմ՝ բայց չեմ կարծեր թէ եղբայրն է իր մտահոգութեան առարկան:

ՅԱԿՈՒԲ. — Ուրիշ է՞նչ կրնայ ըլլալ:

ՍԷՄԵՐՃԵԱՆ. — Չեմ գիտեր. միայն աջալուրջ հակելու ենք անոր վրայ. նէ հրեշտակ մըն է ու կրնայ սատանայի մը ծուղակն իյնալ:

ՅԱԲԷԹ. — Շատ խորերը կերթաս Սէմէրճեան. ... (Այդ պահուն դրսէն օտարօտի սուլոց մը կը լսուի որ կը կրկնուի քանիցս):

ՍԷՄԵՐՃԵԱՆ. — (Ոտքի ելլելով) Ընկերներ՝ մեր ներկայի ազդանշանն է աս: (Երեքը պատուհանէն դուրս կը նային). Արգարեւ Նեկօն է Յակոբ. տեսէ՛ք մեզ դուրս կը կանչէ. գնա՛նք: (Կը մեկնին):

ՏԵՍԻԼ Գ.

(ՏԻԿ. ՄԱՐԻՅԱ, ԱՊԱ ԴՈՒՍՏՐԸ՝ ԼՈՒՍԻԱ)

ՏԻԿ. ՄԱՐԻՅԱ. — Եկուր տեսնեմ աղջիկս. ա- նոնք մեկնեցան, այլեւս հարսի պէս ներսը փակուե- լու պէտք չունիս: (Կը մտնէ Լուսիա) Ըսէ՛ նայիմ, աս քանի օր է ի վեր աննկարագրելի փոփոխութիւն մը կը տեսնեմ վրատ: Ինչո՞ւ կը վարագուրես սիրտդ՝ որ շարունակ ինձի համար բաց եղած է: Եթէ սխա- լած ես, կրնաս ըսել ինձ այդ սխալը, որպէս ընկերոջ. եթէ յանցանք մը գործած ես, կրնաս աներկիւղ յայտ- նել զայն, որպէս խոստովանամօր. եթէ գաղտնիքի մը վերահասու եղեր ես, կրնաս փոփոխ ախանջիս՝ որպէս լռին ու անխօս արձանի. եթէ մէկը կը սիրես, կրնաս անոր անունը արտասանել ինձի, որպէս վրատ կուրգուրացող մօր: Աղջիկս, սխալը երբ կը ծած- գուրգուրացող մօր: Աղջիկս, սխալը երբ կը ծած- կուի՝ զայն դարձեալ կրկնելու վտանգը կը ծնի. յան- ցանքը երբ կը քօղարկուի՝ ապագային կը խորունկ- նայ. գաղտնիքը երբ անհաստի մը մէջ կը թաղուի, ա- ղէտաւոր կը ըլլայ. իսկ սէրը երբ շրթունքները կարած կը կծկտի սրտի մը անկիւնը, անբուժելի վէրքեր կը բանայ: Լուսիա, ըսէ՛ հիմայ տեսնեմ, ունեցածդ սա համրածներէս ո՞ր մէկն է:

ԼՈՒՍԻԱ. — (Գլուխը կախ) Մա՛յր, ես քեզմէ բան չեմ կրնար ծածկել (Քիչ մը լռելէ վերջ) Վերջինն է:

ՏԻԿ. ՄԱՐԻՅԱ. — Ուրեմն մէկը կը սիրես ա- նանկ չէ՞:

ԼՈՒՍԻԱ. —:

ՏԻԿ. ՄԱՐԻՅԱ. — Արդեօք կրնամ գիտնալ ա- նունը:

ԼՈՒՍԻԱ. — Բայց մա՛յր, դուն ինձմէ տխու- թեանս պատճառը հարցուցիր ու ես ըսի. հիմակ ալ

սիրածիս անո՞նը կուզես :

ՏԻԿ. ՄԱՐԻՅԱ. — Անշո՛ւշտ, աղջիկս. որովհե-
տեւ կարեւորն ալ այդ է, սէրը այնպիսի զօրեզ ու
անդրամաղբերի զգացում մըն է, որ կը գերէ բոլոր
միւս զգացումները. կրնամ ըսել նոյն իսկ բանակա-
նութիւնը: Երեւակայէ՛ Լուսիա, եթէ սիրածդ քեզի
արժանի մէկը չըլլայ, այն ատեն կեանքդ դժոխք մը
չի՞ դառնար :

ԼՈՒՍԻԱ. — Նա ինքը չէ որ ինձ անարժան է
մա՛յր, այլ ես՝ իրեն:

ՏԻԿ. ՄԱՐԻՅԱ. — Ուրեմն հպարտօրէն կրնաս
ըսել անունը:

ԼՈՒՍԻԱ. — Կը դողամ, մա՛յր, այդ անունը
կայրէ իմ շրթունքները (Երեսը կը ծածկը):

ՏԻԿ. ՄԱՐԻՅԱ. — Բայց ի՞նչ է ըսէ տեսնեմ:

ԼՈՒՍԻԱ. — Յարէ՛թ . . .

ՏԻԿ. ՄԱՐԻՅԱ. — Յարէ՛թ . . . Աստուած իմ,
ի՞նչ կը լսեմ. սակայն Լուսիա, չե՞ս գիտեր որ նա
նշանուած է:

ԼՈՒՍԻԱ. — (Հեծկլտալով) Գիտեմ

ՏԻԿ. ՄԱՐԻՅԱ. — (Ոտքի կելլէ ու կսկսի փայտ-
լով մեկախօսել) Քմահաճոյքի ի՞նչ տարօրինակ
խաղ . . . : Կարդացեր էի ասանկ բաներ մը վէպերու
մէջ ու խնդացեր էի, զանոնք քմածին կարծելով.
բայց այսօր . . . այսօր աղջկանս կեանքը նոյնատեսակ
վէպի մը նիւթը կըլլայ: Անդին, մղոններով հեռու,
նորատի աղջիկ մը իր նշանածը կերպէ. հոս՝ իմ աղ-
ջիկս, դողնալ կուզէ ուրիշի մը երպար. իսկ աջ ու
ձախ՝ նահատակ ժողովուրդ մը, չարչարանքի ա-
նուրներուն մէջէն, ազատութեան արեւուն կսպասէ.
ասոնք երեքն ալ իրենց նայուածքն ուղղած են մէկ
մարդու՝ Յարէթին . . . : Ի՞նչ ընելու է խեղճը, եթէ

առաջիններուն վրայ մտածէ պիտի լքէ մեծ զոհին
փրկութիւնը. եթէ վերջնոյն մօտենայ՝ երկու ծա-
ղիկներ՝ դեռ ցօղը չի տեսած՝ պիտի խամբին խոր-
շակէն: Բայց . . . բայց . . . ամէն պարագայի տակ,
անհատները զոհուելու են ընդհանրութեան համար.
այս՝ ուրիշ ճար չի կայ . . . եւ իմ աղջիկս պէտք է
ըլլայ ողջակէզներէն առաջինը: (Գառնալով աղջը-
կան) Կը հասկնա՞ս Լուսիա. զուր տեղը պիտի զոհ-
ուիս. այս է քու ձեռքով դրած ճակատագիրդ. ա՛յս է
այն անդունդը, որուն եզերքը կեցեր ես. վար նայի՛ր,
ստակա՛ ու ետ քաշուէ, քանի դեռ ուշ չէ:

ԼՈՒՍԻԱ. — Մա՛յր, անօգուտ է ամեն ինչ. Սէրը
կոյր է, չի տեսներ. սէրը անբան է, չի կրնար դա-
տել. նա մեր կամքէն չի ծնիր, անձանօթէն կուզայ.
Նա մեզի չի հպատակիր՝ այլ կիշխէ. անօր աղջիկ մը
ի՞նչ կրնայ ընել անոր:

ՏԻԿ. ՄԱՐԻՅԱ. — Ա՛հ, դա սիրոյ փիլիսոփա-
յութիւնն է աղջիկս . . . : Հիմակու հիմայ իրաւունք
ունիս . . . : Այդ մասին իմ կողմէ որ եւ է աշխատանք
աւելորդ է ու անօգուտ: (Կսկսի դարձեալ պտտիլ)
Սիրէ՛ ու տառապիր աղջիկս, անշուշտ օրին մէկը
անդրամաղբերի զսպանակէն մղուած՝ սէրդ պիտի
յայտնես անոր . . . : Ես վստահ եմ, նա պիտի կրնայ
մոզական ջուրով մարեցնել այդ անշիջելի կարծուած
կրակը:

ԼՈՒՍԻԱ. — (Գլուխը վեր առնելով) Ինչպէս ը-
սի՞ք, մա՛յր :

ՏԻԿ. ՄԱՐԻՅԱ. — Ոչի՞նչ, աղջիկս, բան մը չը-
սի: Ահա կերթամ ես. կեցիր առանձին քու մտա-
ծումներուդ հետ: Ես չեմ կրնար բռնանալ զգացում-
ներուդ վրայ, որոնք սուրբ են ինձի համար բայց ու-
շադիր եղիր որ այդ սրբութիւնը չի պղծուի: Այո՛,
չաղիր եղիր որ այդ սրբութիւնը չի կրնար կուրցնել. սէրը
սէրը կոյր է, բայց նա մեզ չի կրնար կուրցնել:

անբան է, բայց անկարելի է որ նա կարենայ թաղել
մեր բանականութիւնը: Լուսիա՛, աղջիկս, սիրէ՛
բայց մտածէ: (Կելլէ դուրս սենեակէն):

ՏԵՍԻԼ Դ.

(ԼՈՒՍԻԱ՝ առանձին, Յետոյ ՅԱԲԷԹ՝, ՏԻԿ՝
ՄԱՐԻՅԱ ԵՒ ՎԱՂԱՐՇ)

ԼՈՒՍԻԱ. — (Մէկ ձեռքը ցակտին մտայտի դիր-
քով հակեր է սեղանին վրայ) Ոչ ոք կուզէ մտածել ի-
րական դարձանին վրայ ցաւի մը՝ որ մթին է ու տե-
սական: Մայրս բան մը կըսէ, զոր չեմ կրնար հաս-
կընալ: Ողջակէզ ըլլա՛ւ... բայց աշխարհի մէջ եթէ
կայ վսեմ ողջակեզում մը՝ սիրոյ խորանին առջեւ ե-
ղած ողջակեզումն է ան...: Նա նշանուած է եղեր.
... ես այդ դիտէի արդէն... երբ Սաթենիկը հոս
ըլլար՝ առաջին անգամ սրտիս գաղտնիքը իրեն պիտի
յայտնէի առանց ամօթի ու խղճահարութեան. որով-
հետեւ իմ նպատակս յափշտակում չէ: Ես Յարէթը
սիրեմ. ես կը սիրեմ զայն այնպէս՝ ինչպէս թի-
թեռնիկը կը սիրէ ծաղիկը: Ճիշտ է այս սէրը կը վա-
ռէ դիս, բայց առանց մոխիր գարձնելու. անոր հա-
նած բոցերէն մարդս չի նեղուիր՝ կը հրճուի: Ա՛հ,
հնոց մը կայ կուրծքիս տակ, հնոց մը, որուն կրակին
կը հսկեն Վերստեան կոյսերը: Կը սիրեմ այդ հնոցը.
այս՝ կը սիրեմ ու սիրելուս համար ալ հպարտ եմ ես
... բայց... մա՛յր, ինչո՞ւ այդքան շուտ հեռացար
ու չըսիր ինձի թէ ի՞նչ պիտի ընէիր դուն՝ եթէ իմ
տեղս ըլլայիր: Այս կրակը... (Նոյն ատեն ներս կը
մտնէ Յարէթ: Լուսիա գայն տեսածին պէս նախ քա-
րացած կը մնայ ապա ձեռքերովը կը ծածկէ երեսը):

ՅԱԲԷԹ. — (Ապշանքով դիտել վերջ) Ի՞նչ ու-
նիք Օրբորդ...:

ԼՈՒՍԻԱ. — ... (Հծծիւն մը)

ՅԱԲԷԹ. — Զարմանալի բան. վտանգի մը պատ-
կերը չկայ ձեր դէմքին վրայ, այլ անբացատրելի
վշտի մը ստուէրը: Ձեր աչքերը ինձ ըսին որ լացել
էք. ձեր ձեռքի անօրինակ շարժումը յայտնեց որ դուք
կը վախնաք ինձմէ, կը վախնաք իմ ներկայութենէս:

ԼՈՒՍԻԱ. — (Միշտ գլխիկոր) Այո՛, կը վախ-
նամ:

ՅԱԲԷԹ. — Ինչո՞ւ:

ԼՈՒՍԻԱ. — Որովհետեւ մտածումներս կը դո-
ղան ձեզմէ ինչպէս նորածիլ ընծիւղը ասեղ փոթորի-
կի մը սպառնալիքէն:

ՅԱԲԷԹ. — Ի՞նչ կը նշանակեն ասոնք:

ԼՈՒՍԻԱ. — Կը նշանակեն թէ (Նստած տեղէն
կելլէ ու դարձեալ կը նստի) ...:

ՅԱԲԷԹ. — Կը նշանակեն ... ի՞նչ ըսէ՛ք, Օրբ-
որդ:

ԼՈՒՍԻԱ. — Կը նշանակեն թէ կը սիրեմ ձեզ:
(Կսկսի հեծկլտալ):

ՅԱԲԷԹ. — (Զարմանքի շարժում մը կընէ ու յոն-
գերը կը կետէ) ... Զիս կը սիրէ՛ք ... ի՞նչ կը խո-
սիք Օրբորդ:

ԼՈՒՍԻԱ. — Այո՛, կը սիրեմ. կը հասկնա՞ք. կը
սիրեմ... յանցաւոր եմ միթէ...: Ա՛հ, ներեցէ՛ք,
զթացէ՛ք...:

ՅԱԲԷԹ. — Խե՛ղճ աղջիկ ... կը սիրես մէկը որ
տուն չունի, գլուխը պատասպարելու վայր չունի...
Կը սիրես մէկը, որ վտանգներու դրացնութեան մէջ
կապրի ու շարունակ գերեզմանի դրսէն ներս կը նա-
յի...: Կը սիրես մէկը, որ չարչարանքի խոշոր խա-
չին տակ կորաքամակ՝ ինքզինքն է ուրացեր ու կա-
ճապարէ ելլել Գողգոթայի գլխին: Օրբորդ, գիտ-

ցէք իմ ձեռքերէս մէկը քանդումի համար եղած է, միւսը շինելու. աւա՛ղ, չունիմ երրորդ մը զոր ազատ ըլլամ աղջկայ մը նուիրելու: (Վերջին բառը հազիւ արտասանուած՝ ներս կը մտնեն Տիկ. Մարիցա եւ Վաղարշ):

Տիկ. ՄԱՐԻՅԱ. — Պր. Յարէթ, շո՛ւա, ձեր անձին ապահովութեան ճարը նայեցէք:

ՅԱՔԷԹ. — Ի՞նչ կայ մայրի՛կ . . . :

ՎԱՂԱՐՇ. — Պր. Յարէթ, Խօճան անակնկալօրէն վերադառնալով իր սենեակը պահուած զէնքերը կառավարութեան յանձնել է: Կէս ժամ առաջ Սէմէրճեանը ձերբակալուեցաւ, հիմայ ոստիկանները ձեզ կը փնտռեն: Պր. Յակոբին իմաց տրուած է որ մեկնի Բանջարլըղը, Խուրու Խաչոյենց տունը. հոն երթալու էք նաեւ դուք: Անկէ վերջն է որ կորոչէք թէ ինչպէս հեռանալու էք Խարբերդէն՝ ապահով ճամբով:

ՅԱՔԷԹ. — Զարտուիլին այսքան շուտ հը՞, առանց որ եւ է գործ տեսնելու . . . : Լաւ ուրեմն . . . : Մնաք բարով, Տիկին, թերեւս ա՛լ չի վերադառնանք հոս. վտանգները մեզ կը կանչեն, երթանք հասկնալ՝ թէ ի՞նչ կուզեն անոնք . . . : Մնաք բարով եւ դու՛ք Օրիո՛րդ . . . կեանքը հասկնալու համար կուրծքի տակ սառնարան ունենալու է, ու երջանկութեան յարածիծաղ երկինքը տեսնելու համար, պէտք է ծոխ ու նայիլ արեան լճի մէջ: (Կը սեղմէ երկուքին ալ ձեռքերը ու կը մեկնի): Մնաք բարով, յաւէտ մնաք բարով:

ՏԵՍԻԼ Ե.

(ՄԱՐԻՅԱ, ՎԱՂԱՐՇ ԵՒ ԼՈՒՍԻԱ)

(Յարէթի մեկնելէն վերջ՝ Լուսիա աւելի կիյնայ քան թէ կը նստի աթոռին վրայ):

Տիկ. ՄԱՐԻՅԱ. — Տեսա՞ր աղջիկս, ահա այսպէս է անոնց կեանքը: Վտանգի հովը դանոնք փետուրի պէս կը խաղցնէ ու կը քէ հոս հոն . . . :

ԼՈՒՍԻԱ. — Ա՛հ, մա՛յր, այդ վտանգները անոնց կուտան անբացատրելի հրապոյր մը, որ մարդուս պաշտամունք կը հարկադրէ:

Տիկ. ՄԱՐԻՅԱ. — Ուրեմն այդ վտանգներուն համա՞ր է որ կը սիրես:

ԼՈՒՍԻԱ. — Այո՛:

Տիկ. ՄԱՐԻՅԱ. — Եւ կը պաշտես ալ:

ԼՈՒՍԻԱ. — Անշուշտ :

Տիկ. ՄԱՐԻՅԱ. — Իսկ հիմա՞յ:

ԼՈՒՍԻԱ. — Հիմայ թոյլ կուտամ որ իմ թշուառ հողին հետեւի անոնց ստուերի մը պէս:

ՎԱՂԱՐՇ. — (Յաջորդաբար Տիկ. Մարիցային ու Լուսիային նայելով) Ի՞նչ է եղեր Լուսիային մայրի՛կ . . . :

Տիկ. ՄԱՐԻՅԱ. — Ոչի՛նչ, Վաղա՛րշ, բան մը չկայ. դուն ան ըսէ՛ ի՞նչ կանցնի դուրսը:

ՎԱՂԱՐՇ. — Դուրսը սարսափն է որ կանցնի, մայրի՛կ. իրարու ետեւ սկսած են ձերբակալել կասկածելի մարդիկ: Եթէ առանկ շարունակուի՛ր բանտը Հայերով պիտի լեցուի: Սէմէրճեանը սոսկալի տանջեր են իր բերնէն դաղտնիք մը առնելու համար ու երբ տեսեր են իրենց անյաջող փորձը, ուզեր են հըրաչէկ երկաթներով տաղել խեղճին մարմինը: Սէմէրճեան յարմար առիթ մը գտնելով՝ ինքզինքը նետած է պատուհանէն վար, որպէսզի մեռնի ու իրեն հետ տանի դաղտնիքներու տոպրակը: Մի քանի մարդոցմէ լսեցի որ մեռեր է, բայց ոմանք կը հաւատարացնեն թէ՛ միայն ոտքերը ջախջախուեր են:

ՏԻԿ. ՄԱՐԻՅԱ.— Բարբարոսնե՛ր չու-
նե՛ր :

ՎԱՂԱՐՇ.— Բարբարոս, այո՛, քաղաքակրթու-
թեան անընդունակ բարբարոս . . . : Բայց մայրի՛կ,
խօսելով չանցնենք մեր ժամանակը: Ես պիտի մեկ-
նիմ հիմայ մեր տունը, որպէսզի կասկածելի գոյքեր
եթէ կան՝ պահեմ, ապա երթալու եմ Բանջարըղը.
Յակոր եւ Յարէթ չը պէտք է իյնան կառավարու-
թեան ճանկին մէջ: Դուք հոս բոլորովին ապահով
մի կարծէք ինքզինքնիդ: Իրա՛ւ, Չաւէնը Ամերիկահը
պատակ է, բայց դարձեալ գղութեան միջոցներ
անհրաժեշտ են ձեզի . . . : Մնաք բարի . . . : (Վա-
ղարշի հետ դուրս կելլէ եւ Տիկ. Մարիցան):

ՏԵՍԻԼ 2.

(ԼՈՒՍԻԱ Առանձին, Յետոյ ՏէՎՐԻՇԸ)

ԼՈՒՍԻԱ.— (Պատուհանին կրթնած) Ա՛հ, հի-
մայ արդեօք ի՞նչ դժուարին դրութեամբ շղթայուած
են անոնք . . . : Հիմայ նա վառօթ պիտի չնչէ, վառօթ,
վառօթ՝ փոխանակ ազատ ու երջանիկ օդին. վառօթ՝
փոխանակ կենսատու ու զովարար սիրոյ զեփիւտին:
Ա՛խ, արդեօք այժմ նա կը մտածէ՞ աղջկայ մը վրայ,
որ զինքը կը սիրէ սրտովին. մտքէն կանցնէ՞ իր սի-
րական մայրը, որ երկունքի դառն ցաւերովը զինքը
ծնաւ ու հազար նեղութիւններու կաթովը զինքը
մեծցուց . . . : Ո՛չ, ո՛չ, հիմայ նա մէկ մտածում մի-
այն ունի, աղջիկէն առաջ, անձնուէր մօրմէն առաջ.
դադափարի ու գործի մտածումը. տառապող Հայու-
թեան ազատութեան մտածումը: Անարդա՛ր աչ-
խա՛րհ, ինչո՞ւ է այսպէս: Ո՞վ դբաւ ազատութիւնը
բռնութեան երկնաքարին տակ. ո՞վ դարձուց վիշտը
ճակատագրական ու արցունքը յաւիտենական: Եթէ
այդպէս ընողը հաւատացեալի Աստուածն է, նա չար
ու անգութ է. եթէ Բնութիւնն է, նա տգեղ ու անկա-

տար է. եթէ մարդկութիւնն է, նա անպիտան ու
բարբարոս է . . . : (Յանկարծ կահարեկուի, որով-
հետեւ կը տեսնէ Տեսարանին խորը Յակոր եւ Յարէթ
գիրք բռնած կսկսին կռուիլ) Աստուա՛ծ իմ, անոնք
են. այո՛, անոնք . . . երա՞զ արդեօք . . . : (Կը պահ-
ուի սեղանին ետեւ):

ՅԱԿՈՒՅ.— Ուշադրութիւն ըրէ որ գնդակներդ
պարսպը երթան ու մարդ չսպաննուի:

ՅԱՒԷԹ.— Ինչո՞ւ այդպէս:

ՅԱԿՈՒՅ.— Որովհետեւ մեր անձին համար ամ-
բողջ ժողովուրդ մը ոտքի տակ տալ չեմ ուզեր: Աչ-
վանի մէջ երկու ոստիկաններ սպաննուեցան. բաւա-
կան է. եթէ հիմայ մի քանի դիակներ փռենք՝ ամ-
բողջ Խարբերդը ջարդի գոհը կըլլայ:

ՅԱՒԷԹ.— Ուրեմն ի՞նչ հարկ դիմադրութեան.
պէտք է անձնատուր ըլլալ:

ՅԱԿՈՒՅ.— Առանց դիմադրութեան անձնատուր
ըլլալով Թ՞ուրք զօրքերու ծաղր ու ծանակին առարկայ
կըլլանք: Կուզեմ որ այս մարդիկը գիտնան թէ եր-
կու առիւծներ 300 շուներէն չեն վախնար . . . : Օ՛հ,
սկսինք . . . :

ՅԱՒԷԹ.— (Իր գէնէքը նայելէ վերջ) Յարէ՛թ
քանի՞ փամփուշտ ունիս հիմայ:

ՅԱՒԷԹ.— Միայն մէկ հատ:

ՅԱԿՈՒՅ.— Ես ալ մէկ հատ ունիմ ու այս գըն-
դակները մեզի համար են:

ՅԱՒԷԹ.— Ի՞նչ ըսել կուզես:

ՅԱԿՈՒՅ.— Ըսել կուզեմ թէ՛ զերար սպաննելու
ենք . . . :

ՅԱՒԷԹ.— Զերար սպաննե՛լ . . . կարելի՞ է միթէ:

ՅԱԿՈՒՐ .— Անշո՛ւշտ, եթէ կուզենք: (Վեցհարուածները կուզեն իրարու կրծքի. կապասն մէկ քանի երկվայրկեան):

ՅԱՔԷԹ .— Առաջին անգամ բլթակը դո՛ւք քաշեցէ՛ք, Յակո՛ւր. աշխարհը վերցնելը շատ աւելի դիւրին է ինձ համար, քան թէ աս փոքր շարժումը ընելը :

ՅԱԿՈՒՐ .— (Կը նետէ գէնէք) Այո՛, իրաւունք ունիս Յարէ՛թ . . . աշխարհը վերցնելը շատ աւելի դիւրին է, քան թէ ընկերոջ մը կրծքին գնդակ ուղղելը : Բաւական է կարծեմ այսքան դաս՝ թուրք զօրքերուն համար . . . (Կը հանէ գրպանէն ներմակ քաշկիմակ մը, երկու անգամ կերերցնէ . . . հրացանաձգութիւնը կը դադարի դուրսէն):

ՉԱՅՆ ՄԸ .— Չէնքերնիդ դուրս նետեցէ՛ք:

ՅԱԿՈՒՐ .— (Իր ու ընկերոջ գէնէքը կը նետէ դուրս) Օ՛ն, ընկեր, երթանք դուրս, պաղարին ու ժպտաղէմ: Միակ զէնքը, զոր պահելու ենք մինչեւ վերջ, դա արհամարհանքն է . . . : Երբ մենք արիւնոտ մեծ ուխտաքարին վրայ ուխտեցինք մեր մեծ ու նուիրական ուխտը, մեր փառքի հեռանկարին մէջ տեսանք արդէն ոչ թէ զազափարի յողթանակը, այլ կախազանի պատկերը:

ՅԱՔԷԹ .— Անձնատուր ըլլանք, բայց չը մոռնանք կոչել «Կեցցէ՛ Սօցիալ Դէմօկրատ Հնչակեան Կուսակցութիւնը:

ՅԱԿՈՒՐ-ՅԱՔԷԹ .— (Միաձայն) ԿԵՅՅԷ՛ ՍՕՑԻԱԼ ԴԷՄՕԿՐԱՏ ՀՆՉԱԿԵԱՆ ԿՈՒՍԱԿՑՈՒԹԻՒՆԸ: (Կը քաշեն դուրս):

ԼՈՒՍԻԱ .— (Տեղէն կելլէ ու կը նայի պատուհանէն դուրս) Ո՛ւհ, Աստուած իմ . . . այսքան բազմութիւն, այսքան զօրքեր, երկու մարդոց համար : Վատե՛ր, շունե՛ր, չէ՞ք ամհնար արդեօք Ա՛հ, տե՛ս, կապեր են անոնց ձեռքերը, բայց անոնց դէմքէն չեն հեռանար արհամարհանքի դառն ժրպիտը Ա՛հ, ինչո՞ւ այնպէս ըրին տե՛ս, ահա թուրք զինուորին մէկը թքաւ անոր երեսին քոսոտ շուները առիւծները կը ծաղրեն . . . : Աստուած իմ, սկսան տանիլ . . . : Ո՛ւր կը տանին : Հէ՛յ . . . կեցէ՛ք . . . կեցէ՛ք . . . ո՞ւր կը տանիք իմ սիրականը . . . վայրենիներ, անկրօններ . . . լսեցէ՛ք իմ ձայնը . . . : Չէ՞ք լսեր . . . Լա՛ւ, ես պիտի ընկերանամ իրեն մինչեւ բանը . . . Լուսիան պիտի ապրի հոն՝ ուր կապրի Յարէ՛թ: (Կուզուի դէպի դուռը, ուրկէ ներս մտնելով Տէվրիշ, կը կեցնէ զինքը . . . Լուսիա ահ ու դողով կը քաշուի անկիւն մը):

ՏԷՎՐԻՇ .— Կեցէք Օրիո՛րդ . . . Սեւ արծիւը անծանօթ ու կարմիր հորիզոններու վրայէն, իր մուկզին թափահարումներով կը դիտէ յուսահատ գալարումները թշուառ մարդուն, թշուառ աղջկան:

ԼՈՒՍԻԱ .— Բայց ո՞վ էք դուք . . . :

ՏԷՎՐԻՇ .— Յոյսն եմ ես, Օրիո՛րդ : Քու սիրականը բանա առաջնորդուեցաւ. տեսայ ես Գիտէ՞ք մարդկութեան սիրականն ալ բանտն է Աստուածն ալ բանտն է, սճրագործին ու աւաղակին հետ: Բայց այդ բանտը, Օրիո՛րդ, ուր սրբութիւնները կը խաչուին ու պղծութիւնները դիզուելով կը նկխին, պիտի ըլլայ ապագայ Յեղափոխութեան

վառարանը, որուն վերեւ պիտի տեսնէք ձեր սիրականի պատկերը : Լացէ՛ք, Օրիո՛րդ, եթէ կուզէք. որովհետեւ արցունքը ժպտի մայրն է. բայց եկուր հիմայ ծնրադրենք սա դրօշին շուրջ, որուն կը պատկանի ապագան : (Ծոցէն կը հանէ դրօշ մը ու կը կանգնեցնէ սենեակին մէջտեղը. երկուքն ալ կը ծնրադրեն, ձեռքերնին խաչաձեւ՝ իրենց կրծքին վըրայ ,աչքերնին դրօշին յառած) :

ՎԱՐՍՆՈՅՐ



ԱՐԱՐՈՒԱԾ Գ.

ՏԵՍԻԼ Ա.

(Զաւէն՝ գրքերով լի սեղանի մը ճով, մահնակալի մը վրայ հիւանդ պառկած է ու կը կարգայ գիրք մը : Մայրը նստած է իր սնարին վերեւ՝ կրքաղի ձեռական աշխատութեամբ. մերթ ընդ մերթ (վշտալի ակնարկներ ձգելով Զաւէնի նակտին վրայ) :

ԶԱՒԷՆ. — (Յափշտակութեամբ) Աղուոր է ասոր արտաայտութիւնը, աղուոր. օ՛հ, ի՛նչ գեղեցիկ մտքեր են ասոնք :

ՏԻԿ. ՄԱՐԻՅԱ. — Բաւակա՛ն է օղո՛ւլ, բաւական է կարգաս. կարգալով մաշեցա՛ր, ու չոր ոսկոր դարձար : Զէ՞ որ բժիշկը պատուիրեց քեզ՝ հանգիստ մնալ, մտաւոր աշխատութեամբ չի պարապել :

ԶԱՒԷՆ. — Ա՛խ, մա՛յր, երա՛նի քեզի որ տղէս ես, որ կեանքը չես հասկցեր ու հասկնալ չես կրնար :

ՏԻԿ. ՄԱՐԻՅԱ. — Կեանքը այդ անիծեալ գրքերուն մէջ չէ, Զաւէն՛, այլ դուրսը՝ աշխարհին մէջ :

ԶԱՒԷՆ. — Այո՛, մա՛յր, իրաւունք ունիս, կեանքը աշխարհին մէջն է, բայց անոր զանազան երեւոյթներուն եւ օրէնքներուն լուսարանութիւնը սա «Անիծեալ» կոչած գրքերուն մէջն է : Կը սիրեմ զանոնք, որովհետեւ անոնք են իմ սրտագին բարեկամներս : Եթէ լոյսի պէտքը ունենամ՝ անոնք ինձ արեւը կուտան, եթէ ճամբաս կորսեցնեմ՝ անոնք ինձ առաջ-

նորը կրլլան, եթէ միշտ հարցումներ ուղղեմ՝ կը պատասխանեն ու շեն բարկանար: Ա՛հ, մա՛յր, շեմ ուզեր, շեմ ուզեր մեննիլ, բայց եթէ մեննիմ՝ կուզեմ որ այս գրքերը ինձի հետ թաղել տաս: Գերեզմանիս մէջ իմ հոգին, պիտի արթննայ ու կարգայ գանոնք, պիտի կարգայ՝ մինչեւ որ հասկնայ կեանքին գաղտնիքը, մեծ առեղծուածք. այն է՝ թէ ինչո՞ւ մարդիկ դժբաղդ ու շար կրլլան. թէ ինչո՞ւ անհասարութիւնը արդար Աստուծոյ մը ձեռակերտը կը թուի ըլլալ, թէ ինչո՞ւ զրկանքն ու շահագործումը, պղծութիւնն ու սճիրը օրինականացած առաքինութիւններ կը դառնան: Այո՛, անուշ մայրի՛կ, ես ասոնք կուզեմ հասկնալ, կուզե՛մ. ուրիշ կերպ չեմ կարող ապրիլ: Անտեղիտալի ու անասոր սյժ մը զիս կապած է իմ սիրած գրքերուս. օ՛հ, մայրի՛կ, ի՛նչ հըրաշալի են անոնք: Ի՛նչ նոր երկինքներ կան անոնց մէջ:

ՏԻԿ. ՄԱՐԻՅԱ. — Զուէ՛ն, ես ընթերցումներդ արգիլել չեմ ուզեր, միայն կզգուշացնեմ՝ առողջացած տեսելու համար քեզ:

ԶԱԻԷՆ. — Մա՛յր, առողջութիւնը գաղափարներու մէջ փնտոէ ոչ թէ մարմնի մէջ: Ահա թէ ինչ՞ ու հոգալու չես թէ հիւանդ եմ մարմնով, քանի որ կրնամ կարգալ ու մտածել: Մտածե՛լ. սա կեանքին գերագոյն հաճոյքն է, մա՛յր. կա՞յ զայն գերագոնցող հաճոյք մը:

ՄԱՐԻՅԱ. — Կարգալ եւ մտածելու համար, պէտք է որ ազրի՛ս, Զուէ՛ն. մահուընէդ վերջ՝ քու հոգւոյդ մտածումը այլեւս քուկդ չէ:

ԶԱԻԷՆ. — Կը սիրեմ միայն մէկ օր ապրել՝ բայց կարգալով ու մտածելով ապրել, կը հասկնա՞ս, մա՛յր: Ա՛խ, չես գիտեր, չես գիտեր թէ ի՛նչ վսեմ վերելք է որ կունենայ իմ հոգին. վերելք մը՝ զինքը չըջապատող դարչութիւններէն, նեխածութիւններէն,

վերելք մը՝ գուհիկ նկատումներէն: Մտիկ ըրէ՛, մա՛յր, մտիկ ըրէ՛, տես թէ ինչե՛ր կան դրուած հոս: (Գիրքը կը բանայ ու կսկսի կարդալ) «Ընկերվարութեան ուսմունքը . . . »:

ՏԻԿ. ՄԱՐԻՅԱ. — (Ընթերցումը ընդհատելով) Ի՛նչ ըսել այդ Ամերիկային: Նա՛ էր որ քեզ տուաւ փնտասկար ու անմարտելի գաղափարներ, Փիզիքահան քայքայումի հետ: Քանի մը տարի ապրեցար հոն ու վերադարձար բոլորովին կերպարանափոխուած:

ԶԱԻԷՆ. — Ամերիկան ինձի կեանքը ճանչցուց, մա՛յր, իրական կեանքը՝ որ բանուորի տառապանքին ու զրկանքին մէջ է, անոր իղձերուն ու երազներուն մէջ, անոր իղէալին ու պայքարին մէջ: Եթէ առողջանամ՝ դարձեալ հո՛ն պիտի երթամ մա՛յր: Հիմա կու հիմայ մտիկ ըրէ ինձի, մա՛յր, ու մի ընդհատէր ընթերցումս: (Կը շարունակէ) Ընկերվարութեան ուսմունքը կը պարունակէ նոր կրօնի մը տարրը՝ ուրիշ որ եւ է կրօնէ՛ կը դիմէ՛ ոչ թէ միմիայն սրտին ու յուզումներուն, այլ նոյն ատեն մտքին՝ ծանօթութեանց այդ գործիքին: Ընդհանուր առմամբ խօսելով՝ կրօնի նպատակն է ազատել տառապող հոգին աշխարհային կեանքի թշուառութենէն ու թախիծէն: Աս խնդիրը ան իրականացնել կուզէ միայն անիրական ու երեւակայական եղանակով, մեզ յանձնելով անտեսանելի Աստուծոյ մը եւ ոգիներէ կազմուած թագաւորութեան մը: Այսօրուայ աւետարանը կը խոստանայ ազատել մեզ թշուառութենէ իրական ու յայտնի եղանակով: Կրօնը մինչեւ հիմայ իրաւագուրդին համար կարիք մըն է. հիմայ, սակայն, իրաւագուրդին կարիքը դառնալու է կրօնը. այսինքն այն՝ ինչ որ կը լեցնէ ամբողջ սիրան ու հոգին անոնց՝ որք կը հաւատան: Հին կրօնին մէջ մարդը կը ծառայէր աւետարանին, նոր կրօնին մէջ՝ աւետարանը ծառայելու է մարդուն: Հին յայտնու-

թեան համաձայն՝ օրէնքն էր հիմնականը, գերականն ու յաւիտենականը, իսկ մարդը՝ երկրորդական տարրը: Նոր յայտնութեան համաձայն՝ մարդն է հիմնականը, գերականն ու յաւիտենականը եւ օրէնքն է երկրորդական, ժամանակաւոր ու վաղանցուկ տարրը: Մենք չենք ապրիր ի սէր ... (եռս կընդհատէ ընթերցումը որովհետեւ դուռը կը գարնուի) :

ՏԻԿ. ՄԱՐԻՑԱ.— Մտէ՛ք ... (Ներս կը մտնէ վազարը):

ՏԵՍԻԼ Բ.

ՄԱՐԻՑԱ, ԶԱԻԿՆ, ՎԱՂԱՐՇ

ՎԱՂԱՐՇ.— (Երբեք մը) Միշտ կը կարգաս, Զաւէն, հէ՛, առողջութեանդ վրայ չե՞ս մտահոգուիր արդեօք:

ԶԱԻԿՆ.— Հէնց առողջանալու համար է որ կը կարգամ:

ՎԱՂԱՐՇ.— (Գիրքը կը գոցէ ու դնէ սեղանին վրայ) Ընթերցումը իմ բժիշկն է, ամենակարող ու ամենաճարտար բժիշկը:

ՄԱՐԻՑԱ.— Ինչ ալ որ ըսենք օգուտ չընեն պո՛ղ. Վաղարշ. Զաւէնը չամառ է, նա գերի եղած է սեւեռեալ գաղափարներու:

ՎԱՂԱՐՇ.— Այսինքն ցնորական գաղափարներու:

ԶԱԻԿՆ.— Եթէ ինձ մտերիմ չըլլայիր, Վաղարշ, ես քեզի չը պիտի ներէի այդ նախատական ակնարկութեանդ: Յնորք կոչել գաղափարներու այն չէնքը, որ տառապող, շահագործուող մարդկութեան եկեղեցին է, սա կը նշանակէ հայտնել յառաջդիմութեան, ու արդարութեան:

ՎԱՂԱՐՇ.— Եթէ ցնորք կըսեմ, ալք բառը կը գործածեմ սոսկ Թրքա-Հայերուս վիճակը նկատի տունենալով: Ընկերվարական գաղափարներ ցանել կարելի չէ հոն՝ ուր աւատական մնացորդներու վերայ յենած բռնապետութիւնը ուժեղ է եւ սոսկալի: Ամեն բանէ առաջ, մենք աշխատելու ենք հին չէնքը փլցնել, ու քաղաքական ազատութիւն մը ապահովել Հայուն, անկէ յետոյ՝ իրերու բերմամբ՝ արդէն ինքնին կուգայ դասակարգերու բաժանումն ու անոր հետ կապուած ընկերային բարդ հարցերու շրջանը:

ԶԱԻԿՆ.— Շատ կարճ կը խորհիս Վաղարշ. Համիտական բռնակալութեան դէմ հանուած անժամանակ ցոյցերը, անջատողական երազները ցեղային ատելութիւն հրահարելէ զատ ուրիշ ոչինչ կրնան ընել: Որպէսզի փոխուի Թուրքիոյ քաղաքական չէնքը հիմնապէս, պէտք է փոխուին անոր տնտեսական յետամնաց կարգերը. եւ որպէսզի փոխուին այդ կարգերը պէտք է հոն մտնէ Եւրոպական դրամագլուխը: Քանի դեռ Եւրոպայի քափիթալիստական պետութեանց հակամարտութիւնները՝ բռնաւորը կը պահեն իր գահին վրայ, մասնակի եւ ոչ մէկ շարժում կրնայ երկիրը փոխել երազուած ձեւով:

ՎԱՂԱՐՇ.— Սակայն ինչո՞ւ չէք ընդունիր թէ Եւրոպական դրամագլուխի մուտքի ընթացքը փութացնողը Հայկական Յեղափոխութիւնը կրնայ ըլլալ: Երբ ժողովուրդի մէջ խլրտում երեւան չի գա՛ց՝ երբ ան՝ նոր դարու պահանջը չի ներկայացնէ, Եւրոպացին դարեւ կրնայ սպասել՝ առանց Թուրքիոյ մասին հոգ ընելու:

ԶԱԻԿՆ.— Կը սխալիս, Վաղարշ. Հայկական շարժումները չեն որ պիտի հրաւիրեն ներս Եւրոպական, կապիտալիստները, այլ կապիտալիստական տիրապետութեան սահմաններու ընդարձակման անդամագրելի ձգտումը: Այսօր, Եւրոպացի քափիթալիստը, եթէ իր կրթնած պետութեան ձեռքով դա-

դուժային քաղաքականութեան ուժ չի տայ՝ ըսել կուզեմ՝ եթէ շահագործման նոր շուկաներ չի փնտոէ իր երկրէն դուրս, նա իր երկրին մէջ փորած կըլլայ իր դերեզմանը: Երկաթի ու պղնձի արդիւնագործութիւնը, որ հսկայական համեմատութիւններով կաճի Անգլիոյ ու Գերմանիոյ մէջ, հրամայական անհրաժեշտութիւն կը դարձնէ նոր գաղութներ գրաւելու պահանջը: Երկաթուղիի գծեր երկարել՝ մեքենաներ ընդհանրացնել, կոյս հանքեր շահագործել միամիտ ժողովուրդի ձեռքով, ահա ասոնք են ներկայ քափիթալիստներու փառաբանած երազները: Հիմակ, գինուտրական ահագին պատրաստութիւններ կը տեսնուին, որովհետեւ վազը պայթիւնը անխուսափելի պիտի ըլլայ: Եւրոպան երկու մասերու պիտի բաժնուի ու ասոնք սոսկալի թափով պիտի զարնուին իրարու հետ: Յաղթող կողմին պիտի մըրնայ ամբողջ աշխարհի տնտեսական շուկան, եթէ աչք պատերազմի ընթացքին քափիթալիստի չի կանխատեսած զէպքեր չի պատահին, որպիսին է, օրինակի համար, ընդհանուր բանուորական ազատամբութիւն մը, որ պիտի փութացնէ ընկերվարական կարգերու տիրապետութիւնը: Կը տեսնե՞ս Վաղարշ, այն ատեն Եւրոպացի քափիթալիստը իր առաջին գործը պիտի ընէ Թիւրքիա մտնելը, որովհետեւ Թիւրքիան բանալին է Ասիոյ, մինչեւ հիմա դեռ քիչ շահագործուած ընդարձակածաւալ Ասիոյ, ի մասնաւորի՝ «Երկնային կալսութեան»: Եթէ Հայկական շարժումները կարողանային հրաւիրել Եւրոպական պետութիւնները, ապա ուրեմն, մենք գրունուած ըլլալու էինք արդէն իսկ կատարուած իրողութեան մը հանդէպ. որովհետեւ մենք ունեցանք խոշոր շարժումներ, վկայ՝ Զէյթունի ու Պապ-Ալիի ցոյցերը: Ո՛չ, Վաղարշ, ո՛չ. (հոս քիչ մը կը կենայ քաշկիւնակը կը տանի քերթիք, ապա դէմքի կծկումէ մը վերջ՝ կը հագայ...) Վնասակար են Հայկական շարժումները: Զուր տեղը կը կոտորուինք, զուր տե-

ղը կը հրահարենք թշնամութեան ու վրէժի զգացումները: Պէտք է համակերպել, պէտք է համբերել. պէտք է աշխատիլ Թիւրք հասարակ ժողովուրդի հետ վստահելի բամեկամութեան կապեր հաստատել ու անոր լոյսը ճանշցնել:

ՄԱՐԻՅԱ. — Զաւէ՛ն, գայլին կամ օձին հետ բռնկամ ըլլալ անկարելի է. խածնելն ու խայթելը անոնց բնագոյն է:

ԶԱԻՆ. — Եթէ Թիւրքը օձ է՝ մե՛նք ենք անոր թռչնը տուողը, եթէ գայլ է՝ մե՛նք ենք անոր ախառները սրող: Մեր պարտքը ոչ թէ Թուրքին ձեռքը գէնք տալ է, այլ գէնք գործածելու անհրաժեշտութիւնը վերցնել աշխատելը: Եթէ նա ձեռքով զարնէ մեզի ու մենք չի պատասխանենք, գէնքի գիմելու պէտքը չ'պիտի զգացուի: Ազգային հարց, ազգային խնդիր, ազատութեան ու անկախութեան երազ, ասոնցմէ բոլորովին հրաժարուելու ենք, ու աշխատելու ենք հետզհետէ Եկեղեցին մօտեցնել մզկիթին: Եթէ անոնք ուզեն զայն ալ քանդել, պէտք է լռենք՝ յանուշ մեր ապագային, որ շատ մօտ է: Կեանքը պէտք է պահել անոր համար, ըսել կուզեմ՝ Գասակարգային պաշարին համար:

ՎԱՂԱՐՇ. — Դուն Ընկերվարական չես, Զաւէն, Անիշխանական այ չես... տեսակ մը խառնուրդ, որուն նմանը կարելի չէ երեւակայել: Քու սիրած Մարքսը շատ անգամ պաշտպաններ է աս կամ ան ազգի քաղաքական ազատութիւնը, որպէս պայման՝ անոր տնտեսական բարգաւաճումին. իսկ դուն՝ վարպետ թողեր, ալանդակ մտքեր կը յղանաս:

ԶԱԻՆ. — Վաղար՛շ. պէտք է գիտնաս թէ Մարքս, իր քաղաքական հայեացքներուն մէջ երեւան կուզայ որպէս բուրժուամիտ, իսկ տնտեսականին մէջ՝ որպէս Բանուորութեան առաքելը: Մարքսիզմի հիմունքներն մէջ սխալներ կան, զորս պիտի

սրբազրէ կեանքը: Տեսէ՛ք հիմա... (Դարձեալ հագ-
այս անգամ ուժգին) Ու՛հ, մա՛յր (ձեռքը կրծքին
կը տանի) հո՛ս, հո՛ս... երկաթէ ձեռք մը կայ, որ
կը ճգմէ սիրտս... օ՛հ... .. մա՛յր, հասի՛ր...
(կը քաւալի անկողնոյ մէջ):

ՄԱՐԻՅԱ.— (Ոտքի կելլէ, եւ կը հակի գաւկի
բարձին վրայ) **Զաւէ՛ն, Զաւէ՛ն, ի՞նչ կայ, ըսէ՛,**
ի՞նչ եղար...:

ԶԱԻԿՆ.— (Շարունակելով տապալակիւր) **Մա՛յր**
**հո՛ս... հո՛ս... կուրծքս... կուրծքս... եամա՛ն...
սի՛րտս... կը ճգմեն սիրտս... (կը հագայ) ...
օգնութիւ՛ն...:**

ՄԱՐԻՅԱ.— (Մահնակալի քովէն դեղի սրուա-
կը կտանէ ու կը մօտեցնէ հիւանդի բերնին, ուրկէ
քշիկ մը արիւն կը հոսի: Մայրը կը սրբէ արիւնը
խոշոր սոսկումով) **Արիւ՛ն... պրն. Վաղա՛րջ, արիւն**
(կըսէ լսելի ձայնով, երբ արդէն հիւանդը գգայա-
գիրկ եղած է):

ՎԱՂԱՐՇ.— (Յուզմամբ կը մօտեցայ անկողնին
եւ կը նայի արիւնոտ քաշկինակին) **Այո՛,** **Տիկի՛ն,**
արիւ՛ն... Աստուա՛ծ իմ. առաջին անգա՞մն է ար-
իւն գալը:

ՄԱՐԻՅԱ.— (Աչքը գաւկէն չի հեռացնելով)
Այո՛... ո՛հ, այո՛, առաջին անգամը... (խօսքը
կուղղէ գաւկին) Զաւէ՛ն, Զաւէ՛ն. (կը ծռի ու կը
նայի անոր փակ աչքերուն) մեռա՛ւ... օգնութիւ՛ն
**Վաղա՛րջ, շու՛տ, շու՛տ բժշկին գնա՛, խնդրե՛մ...
(ականջը կը դնէ անոր կրծքին) կապրի՛, Վաղա՛րջ,**
կապրի, սիրտը կը տրոփէ դեռ... բայց աճապարէ՛,
խնդրեմ...:

ՎԱՂԱՐՇ.— Պաղարիւն եղի՛ք, Տիկի՛ն. **Աստու-**
ծոյ չնորհիւ պիտի ապրի Զաւէնը. ես հիմակ անմի-
ջապէս կը վերագառնամ բժշկին հետ (կը մեկնի):

ՏԵՍԻԼ Գ.

ՄԱՐԻՅԱ, ԶԱԻԿՆ, յետոյ ԼՈՒՍԻԱ.

ՄԱՐԻՅԱ.— (Զաւկին ձեռքը բռնած) **Զաւէ՛ն...
Զաւէ՛ն... արթնցի՛ր, ես եմ, ես՝... քու մայրդ...
ինչո՞ւ չես խօսիր. ի՞նչ եղաւ քեզի... (դարձեալ
մտիկ կընէ ականջով) Զաւէ՛ն, իմ սիրելի սրղեա՛կ,
չե՞ս լսեր իմ ձայնը: (Զաւէն քիչ մը կը շարժի, մայ-
րը սրուակը կը մօտեցնէ բերնին) Զաւէ՛ն, ա՛ն, կա-
թիլ մը խմէ ասկէ... Զաւէ՛ն, քեզի կըսեմ...:**

ԶԱԻԿՆ.— (Աչքերը կը բանայ) **Մա՛յր...:**

ՄԱՐԻՅԱ.— **Ի՞նչ եղար Զաւէն, ըսէ՛... ի՞նչ
կուզես...:**

ԶԱԻԿՆ.— **Մա՛յր... մի վախնար... բան...
մը չիկայ... նոպայ մըն էր որ... անցաւ:**

ՄԱՐԻՅԱ.— **Ո՛հ, Զաւէ՛ն, սիրտս դող հանեցիր
... Աստուա՛ծ իմ... կը ճանչնա՞ս մօր մը սիրտը.
նա վառարանն է սիրոյ, ամենէն անձնուէր, ամենէն
արծարծուն սիրոյ վառարանը:**

ԶԱԻԿՆ.— **Մա՛յր, երբ գիտնաս թէ աշխարհի
մէջ ինձ նման հիւանդ ու քեզ նման տառապող մի-
լիոնաւոր հոգիներ կան, որոնց տառապանքին պատ-
ճառը (քեքեւ մը կը հագայ) մի քանի հրէշներ են,
այն ատեն սիրոյ վառարան սիրտդ պիտի ըլլայ նաեւ
ատելութեան դժօխք: Այն ատեն Հէրվէյին հետ պի-
տի երգես.**

«Մէրը փրկել չի կրնար
«Սէրն ազատել չի կրնար
«Ելի՛ր, ո՛հ, Ատելութիւն
«Ու փշրէ մեր շղթան Դուն:

«Մինչեւ մաշին ձեռքերն մեր
 «Չպիտի լքենք մեր սուսեր .
 «Երկար ատեն սիրեցինք .
 «Հիմակ ալ ե՛կ որ ատինք» :

ՄԱՐԻՅԱ. — Դուն քեզ մի նեղեր Չաւէն . ես այդ
 բաները չեմ հասկնար :

ՉԱԻԿՆ. — Չես հասկնա՛ր . . . մա՛յր , ո՞վ տուաւ
 ինձ այս հիւանդութիւնը . Թու՞րքը , Գիւ՞րտը , թէ՞
 այն ճիւղը , որ Քրիստոնէութեան , օրինականու-
 թեան ու քաղաքակրթութեան հիւսած վարագոյրին
 ետեւ կապրի , ծծելով միլիոնաւոր մարդոց քրտինքն
 ու արիւնը : Ես կը սիրէի թուրքի եաթաղանովը մեռ-
 նիլ մէկ անդամէն , քան թէ (կը հազայ) այսպէս ա-
 միաներով անկողնոյ ծառայել . . . : (Նայն ատեն ներս
 կը մտնէ Օրիորդ Լուսիա)

ԼՈՒՍԻԱ. — (Տխուր ու գլխիկոք կը կեցայ սե-
 ղանին քով , գիրք մը կառնէ անուշադիր ու նորէն կը
 դնէ տեղը , ապա . . .) Մա՛յր :

ՄԱՐԻՅԱ. — (Որ նայուածքով կը հետեւէր ա-
 նոր) Ի՞նչ կայ Լուսիա՛ , կերելի թէ գէշ լուրեր ու-
 նիս . . . :

ԼՈՒՍԻԱ. — Գէշ լու՛ր . . . այո՛ , շատ գէշ . պըն .
 Վաղարշը չը պատմե՞ց ձեզի :

ՄԱՐԻՅԱ. — Ո՛չ , բան չըսաւ ան . կերելի թէ
 Չաւէնի հետ վիճարանութեան բռնուելով՝ մոռցաւ
 բսելիքը :

ՉԱԻԿՆ. — Ու՞ր գնաց հիմայ Վաղարշը :

ՄԱՐԻՅԱ. — Բժշկին ետեւ ղրկեցի , Չաւէ՛ն :

ՉԱԻԿՆ. — Բժի՛շկ . . . գարմանալի բան . ես չե՞մ
 ըսած թէ՛ բժիշկ չեմ ուզեր : Իմ բժիշկներս այս
 գրքերն են :

ԼՈՒՍԻԱ. — (Բարկուքեամբ մի քանի գրքեր գե-
 տին կը նետէ) Փոշի դառնան այդ գրքերը , Չաւէ՛ն .
 . . . անո՛նք էին որ քեզ խնեթութեան մօտեցուցին :
 Աշխարհն իրար խառնուեր է՝ դուն բանէ լուր չունիս ,
 ելեր կարգ մը սխալ վարդապետութեանց ցնորքովը
 կզրագիս : Ասդին Յակոբ եւ Յարէթ մահուան վճիռ
 կառնեն , անդին 50-60 երիտասարդներ կը խոշտան-
 գըւին բանտին մէջ , դուն պառկեր՝ համաշխարհա-
 յին բանուորական ասպատամբութիւն ու Ընկերվա-
 րական դրախտ կերագես :

ՄԱՐԻՅԱ. — Մահուան վճի՞ռ հազեր են Յակոբ
 եւ Յարէթ :

ԼՈՒՍԻԱ. — Այո՛ , մա՛յր , թուրք դատարանը
 կարծ հարցաքննութենէ մը վերջ՝ մահուան վճիռ
 տուած է : Կուսակալը՝ Հասան փաշա , Թուրքերու
 աչքը մտնելու համար , կաշխատի եղեր որ օր առաջ
 գործադրել տայ այդ վճիռը :

ՄԱՐԻՅԱ. — Մե՛ղք , մե՛ղք :

ԼՈՒՍԻԱ. — Մի մեղքանաք սոսկ , մա՛յր , այլև
 բարկացէ՛ք . Խարբերոցին երկու մարդ չը կրցաւ
 պահել իր ծոցին մէջ ու այսօր այդ աննման քաջերը՝
 իրենց օրհասին կոպասեն :

ՄԱՐԻՅԱ. — Պարագաները միշտ աննպաստ ե-
 դան խեղճերուն . կարծես ճակատադիրն էր , որ կը
 հալածէր զիրենք :

ԼՈՒՍԻԱ. — Ի՞նչ ճակատադիր , մա՛յր . Հայն
 էր որ հալածեց զանոնք : Տեսէ՛ք , օրինակի համար ,
 ո՞վ արտաքսեց զանոնք Խուլէվանքէն , այդ ամենա-
 ապահով թաղստոցէն . ո՞վ ցոյց տուաւ Աշվանի ա-
 նըստոյգ ու վտանգաւոր ճամբան : Աշվանի երկու
 մարդոց սպաննութենէն վերջ՝ ո՞վ հալածեց այդ
 անտուն ու անաէր փախտապահները , որոնք օրե-
 րով արտերու մէջ թափառեցան ու խոտերով սնան .

ո՞վ տարաւ, կըսեմ, զանոնք Սիւրսիւրի. ո՞վ մատնեց զանոնք: Ասոնց բոլորին մէջ մենք կը տեսնենք Հայուն ձեռքը:

ԶԱՒԷՆ. — Կը տեսնե՞ս քոյր իմ, դուն քու բերնովդ իսկ կը հաստատես թէ՛ Հայ ժողովուրդը յեղափոխականին չի յարիր: Աս երեսոյթը իր պատճառն ունի: Եթէ մենք ունենայինք չըսեմ եւրոպականին նման՝ այլ անոր մօտենալու ձգտող Հայ բուժփուազի դասակարգ մը, այն ատեն յեղափոխութիւնը լայն համեմատութիւններ պիտի առնէր ժողովրդական խաւերուն մէջ. բայց որովհետեւ Հայ հարուստը կամ վաճառականութեամբ կզրաղի, կամ վաշխառուութեամբ, նա իրեն ձեռնտու կը համարէ բոնապետական սխառէմը:

ԼՈՒՍԻԱ. — Ի՛հ, Չաւէ՛ն, նորէն այդ քու ընկերաբանական խրթնութիւններուդ մի դիմէր. ես խընդըրին մէջ մի միայն տգիտութիւն կը տեսնեմ, ուրիշ ոչինչ.....:

ԶԱՒԷՆ. — Տգիտութիւն... բայց քո՛յր իմ, դուն երբէք մ՛երազեր լուսաւորութիւն հոն՝ ուր ելեքտրականութիւն չը կայ. ուր կառախումբի վայրաչարժը հեւալէն չի ճեղքեր ահագին տարածութիւնները, ուր դործարաններու երկար ծխնելոյղները ծուխով չեն սեւցներ կապոյտ երկինքը: Պէտք է ուրեմն վերջ տալ անհատական՝ իմբային վտանգաւոր ձեռնարկներուն, որոնք աւելի կը խորունկեցընեն ազգայնական հակընդդէմ տրամադրութիւնները՝ խոչընդոտները դասակարգային զիտակցութեան:

ԼՈՒՍԻԱ. — Ձեռքերը ծալլել ու նստիլ, անանկ չէ՞. նստիլ՝ մինչ թուրքը կը գարնէ, կը յափշտակէ, կը կեղեքէ, ընտանիքներ կը թշուառացնէ, մայրեր կը լացնէ, սերունդներ կը փճացնէ:

ԶԱՒԷՆ. — (Հագալով) Ու՛հ, մա՛յր... կերելի թէ նոպան դարձեալ պիտի դայ... (կը հագայ) բայց... քո՛յր իմ, տալու եմ քու պատասխանը... ա՛հ... սի՛րտս... (քիչ մը կը լռէ) քո՛յր իմ, մեծազոյն բարին... ունենալու համար, պէտք է... համբերել մեծագոյն չարին:

ԼՈՒՍԻԱ. — Բայց այդ չէ դարուս ոգին, Չաւէ՛ն, Նոր դարու ոգին ըմբոստութիւնն է, որուն դրօշը առաջին անգամ վեր բարձրացուց Սօցիալ Դէմօկրատ Հնչակեան Կուսակցութիւնը... Պատի՛ւ իր անուան...:

ԶԱՒԷՆ. — (Ուժգին հագ. նորէն կսկսի քաւալիլ անկողնոյ մէջ) Մա՛յր, եկա՛ւ... եկա՛ւ նորէն, այդ ցաւի նոպան... ու՛հ... սի՛րտս, մա՛յր...:

ՄՍՏԻՅԱ. — (Կառնէ դեղի սրուակը կը մօտենայ գաւկիմ) Չաւէ՛ն, հոգի՛ս, առ սա դեղէն ուժպ մը... նա քեզ կը հանգստացնէ:

ԶԱՒԷՆ. — (Կառնէ դեղէն) Ա՛հ, կը քամեն, կը քամեն սիրտս, մա՛յր...: Բայց ո՞ւր է իմ կեանքս... Ես... պիտի... ապրիմ... այո՛, երիտասարդ եմ եւ պիտի ապրիմ...: Ո՞վ է որ կուզէ զիս մեռցնել... Ու՞ր ես, ո՞վ իմ կամքս... եկու՛ր... ես մինակ եմ ու պէտք ունիմ քեզի... կուզեմ ապրիլ... որովհետեւ կուզեմ հինցած կրօնագրքերը հնոցին յանձնել...: ազգայնութեանց սահմանները վերցնել, հարստահարութիւններու, շահագործողներու, մէկ խօսքով ընչազուրկ բանուորներու միջազգային դաշնակցութիւնը հիմնել, այո՛... ես կուզեմ ասո՛նք, ո՞վ իմ կամքս...: Ես ուսումնասիրեցի աշխարհը, ուժեղացուցի քեզ, որպէսզի օգնես ինձի... հիմա...: Եկուր ուրեմն, հանէ՛ սա երկաթէ ձեռքը, որ կը ճզմէ սիրտս; վերցու՛ր սա վերմակը... նետէ սա մահճակալը... ոտքի հանէ զիս...: Երիտասարդի

արիւնը թող նոայ երակներու մէջ (գերագոյնն ցիգ մը կընէ նստելու, նոյն ատեն դուռը սաստկօրէն կը բացուի ու վաղարշ ներս կը մտնէ առանց գլխարկի, հեւասպառ, տժգոյն) :

ՏԵՍԻԼ Դ.

ՆՈՅՆՔ ԵՒ ՎԱՂԱՐՇ, ՅԵՌՈՅ ՈՍՏԻԿԱՆՆԵՐ

ՎԱՂԱՐՇ. — Բժիշկին դացած ատենս Սուրէնէն իմացայ, որ կառավարութիւնը զիս ձերբակալել կուզէ եղեր: Հազիւ եկեղեցւոյ թաղը մտեր էի, երբ տեսայ որսի շուները, միակ մօտիկ ասպաստանաբանը հոս գտայ, Տիկին.....:

ՄԱՐԻՅԱ. — (Ահաբեկ՝ մինչ Լուսիա պատուհանէն դուրս կը նայի) **Ձի տեսա՞ն հոս մտնելը:**

ՎԱՂԱՐՇ. — **Ձեմ գիտե՞ր, Տիկին՝ սա չափ գլետեմ որ ետեւէս կը վազէին կատաղօրէն հայտելով:** Փոսէ մը ցատկած ատենս ինկայ, գլխարկս ինկաւ գլխէս. ոտքի ելայ ու վազեցի խելագար:

ՁԱԻԷՆ. — (Կը նստի անկողնոյ մէջ, ձեռքը ձախ ստիւնքին վրայ) **Վաղա՛րշ... Դժուարին կացութեան մէջ եմ, բայց պիտի ընեմ ինչ որ հնարաւոր է:**

ԼՈՒՍԻԱ. — (Պատուհանէն դառնալով) **Չաւէ՛ն, ոտտիկանները եկան:**

ՁԱԻԷՆ. — **Վաղա՛րշ, մահճակալին տակ մտի՛ր ու անշարժ կեցիր, իսկ դուն Լուսիա, հեռացիր ասկէ:**

(Վաղարշ եւ Լուսիա կընեն նոյնը: Մայրը քիչ մը դեղ կը լեցնէ դգալին մէջ՝ գաւկիւն տալու ձեռով, երբ ոտտիկանները դուռը կը բաղխեն ուժգին: Մարիցա դուռը կը բանայ, ոտտիկանք կը մտնեն):

ՈՍՏԻԿԱՆ. — **Ու՞ր է այդ Խնդիրը:**

ՁԱԻԷՆ. — **Հոս խնդիր չկայ, այլ մահուան ըսպասող հիւանդ մը կայ ու անոր վրայ հսկող յուսահատ մայր մը:**

ՈՍՏԻԿԱՆ. — **Ես քեզի կըսեմ, ու՞ր է այդ խնդիրը:**

ՁԱԻԷՆ. — **Ես քեզի կըսեմ թէ՛ հոս խնդիր չկայ:**

ՄԱՐԻՅԱ. — (Մտնելով ոտտիկաններուն) **էֆէնտի՛, ի՞նչ կուզէք մեզմէ, մենք հոս մարդ պահած չունինք:**

ՈՍՏԻԿԱՆ. — (Մէկդի հրելով Մարիցան) **Ահա էֆէնտի, կը տեսնե՞ս այս շուները. կերելի թէ կառավարութեան դէմ դնել կուզեն. ես իմ աչքովս տեսայ անոր հոս մտնելը, ասոնք ինքեար կընեն:**

Ա.ՉՄԷՏ. — **Շանը սատկիլը մօտէն անցած ատեն այդպէս կընէ արդէն:**

ՁԱԻԷՆ. — (Բարկութեամբ ոտքի կելլէ, գերագոյն ցիգ մը կընէ ինքզինքը գտնելու համար, ապա սեղանի գրքերը մէկիկ-մէկիկ կը նետէ ոտտիկաններու երեսին) **Շու՛տ դուրս ելէք ասկէ լիրբե՛ր... աս տունը ձեզ նման շուներու համար անձեռնմխելի է. ես Ամերիկա-հպատակ եմ. ահա՛ իմ դրօշը (Գարակէն դուրս կը հանէ Ամերիկեան դրօշը): Պատուեցէ՛ք աս, եթէ կը յանդգնիք, ապա ախրացէք աս տանը:**

ՈՍՏԻԿԱՆ. — **Կորսուէ՛ դէմէս, կեավուր օզի կեավուր. (կը խլէ դրօշը ու կը նետէ մէկ կողմ. կըռուպի ուժգին հարուած մը կուտայ Ձաւէնի կրծքին, որ թաւալուր գետին կիյնայ) Այդ դրօշը հոս փարայ չընէր:**

ՎԱՂԱՐՇ. — (Մահնակալի տակէն դուրս ցցուելով) **Անխիղճներ՛ը, ի՞նչ կուզէք անգօր, մահամերձ**

հիւանդէ մը. ահա ես հոս եմ, ըրէ՛ք, ինչոր կու-
զէք.....:

ԶԱԻԷՆ — Մա՛յր (հոգեվարքի գալարումներ):

ՄԱՐԻՅԱ — Անգուժնե՛ր, անաստուածնե՛ր,
ի՞նչ կուզէիք իմ գաւկէս (կը մօտենայ Զաւէնին, կը
վերցնէ գլուխը ու կառնէ իր թելին վրայ):

ՈՍՏԻԿԱՆ — Հայտէ տեսնենք, խնդի՛ր կեավուր.
(քաշքշելով վաղարշը, մէկ երկու հարուած կիջեցը-
նեն) Փէտայութիւն կընես հա՞... հայտէ որ քեզի
թիմարխանային մէջ լաւ դասեր տանք: (կը տանին
վաղարշը. կը մտնէ ներս Լուսիան ինքնիրմէ ելած):

ՏԵՍԻԼ Ե.

ԼՈՒՍԻԱ, ԶԱԻԷՆ, ՄԱՐԻՅԱ, ապա **ՏէՐՎԻՇԸ**

ԼՈՒՍԻԱ — (Զեռֆերը իրար զարնելով) Ասար-
ւած իմ... մա՛յր, ի՞նչ եղաւ Զաւէնը.....:

ՄԱՐԻՅԱ — (Օրօրելով գաւկիս գլուխը) Զաւէ՛ն
... Զաւէ՛ն, ել, ոտքի ել... Լուսիա՛, օգնէ ինձի
զինքը մահճակալին մէջ դնելու համար...: (կաշխա-
տին, բայց Զաւէն ուշաքափ եղած է, մինչ բերնէն
արիւն կը հոսի):

ԶԱԻԷՆ — (Աչքերը կը բանայ, բոլորտիքը կը
նայի) Մա՛յր... աս ու՞ր եմ ես:

ՄԱՐԻՅԱ — Իմ գրկացս մէջ, գաւա՛կս, իմ
գրկացս մէջն ես:

ԶԱԻԷՆ — Քու գրկիդ մէջ... բայց աս ի՞նչ
փուշեր են, մա՛յր, որ կը մտնեն մարմինս:

ՄԱՐԻՅԱ — Ե՛լ, Զաւէ՛ն, ել ու հանդիստ եղիր
անկողնոյդ մէջ. փուշ չկայ հոս, սէր ու աղօթք կայ
միայն: Հիմա՛կ այդ ցաւերդ կանցնին, ու դուն կը

զտնես հին հանդարտութիւնդ... ելի՛ր տեսնեմ:

ԶԱԻԷՆ — Ցաւերս կանցնի՛ն... ես ալ կանցնիմ,
չէ՞, մա՛յր.....:

ՄԱՐԻՅԱ — Մի ըսէր այդ, Զաւէն, մի՛ արիւ-
նէր մօր մը սիրտը:

ԶԱԻԷՆ — (Ակնապիշ նայելով սենեկին մէկ ան-
կիւնը) Այդ ո՞վ է որ հոն կեցեր է, մա՛յր. (Մայր ու
աղջիկ կը նային նոյն ուղղութեամբ):

ՄԱՐԻՅԱ — Մէկը չկայ հոն, Զաւէ՛ն:

ԶԱԻԷՆ — Այո՛, մէկը կայ որ նշան կընէ ինձի
ու կը խնդայ... տե՛ս, մա՛յր, տես... ինչպէ՞ս
չես տեսներ, մէկ ձեռքը դաւազան մը կայ, միւսը՝
խոշոր ջահ մը: Կերեւի թէ, մա՛յր, նա զիս խաւարին
մէջէն պիտի տանի:

ՄԱՐԻՅԱ — Բայց Զաւէ՛ն, ես բան մը չեմ տես-
ներ հոն:

ԶԱԻԷՆ — Եկու՛ր, մա՛յր, եկուր ու իմ աչքե-
րովս նայիր ու պիտի տեսնես...: Ահա կը մօտենայ.
... տե՛ս մա՛յր, եկաւ... բայց... ինչո՞ւ կաճա-
պարէ այսքան...: Իմ գրքերս հետս տանելու չե՞մ
մա՛յր... հո՞ս... հոս հաւաքէ դանոնք մա՛յր... լաւ
ծրարէ, լաւ փաթթէ որ ճամբան չը թափին... տես,
մա՛յր... եկաւ... ահա մօտս է... ու՛հ... (երե-
սը կը ծածկէ ձեռքով) կը սոսկամ... թոյլ մի տար
մա՛յր... թոյլ մի տար որ զիս տանին...: (Գլու-
խը կիյնայ անշարժ ու աչքերը կը գոցուին):

ՄԱՐԻՅԱ — Ո՛չ, Զաւէ՛ն, ո՛չ, ոչ ոքի թոյլ չեմ
տար որ քեզ տանի. դուն իմս ես Զաւէն, իմս...
Զաւէ՛ն...: (սոսկումով եւ ուշադրութեամբ գաւ-
կիս կը նայի, որը մեռած է արդէն)... Զաւէ՛ն...
(մարմինը կը ցնցէ քանիցս) Զաւէ՛ն... մեռա՛ծ
... մեռա՛ծ... Զաւէ՛նս մեռա՛ծ... Լուսիա, հոս


նախը... Աստուած իմ... (Լուսիա արցունքները արբեյով կը մտնեայ եղբոր դիակին, բայց յանկարծ կը ոչե երբ կը տեսնէ Տէրվիշը):

ԼՈՒՄԻԱ.— Տե՛ս, մա՛յր... մէկը դէպի մեզ կուգայ... աս մարդը մի անգամ ալ ինձի հանդիպեցաւ ու ես դայն երազ կարծեցի... նայի՛ր, մա՛յր... չե՞ս անոնք դայն:

ՄԱՐԻՅԱ.— (Կը քողու գաւակը ու մայր ու աղջիկ վախով կը փաքքուին իրարու) Սա ստուեր չէ՞, Լուսիա, սա ոգի չէ՞... .. Ի՞նչ կուզէ մեզմէ... .. արգետք ա՞ս տարաւ իմ Զաւէնի հոգին...:

Տէ՛րվիշ.— Լու՛ս, դաւակնե՛րս... դերեզմանական անաւոր լուսեան ժամն է... Յանցանք է աղմուկով աւրել խորհրդաւորութիւնն այն պատարագին, որ հիմակ՝ ձեր սիրելիի մահովն սկսաւ ու պիտի վերջանայ վաղը՝ Նոյեմբեր 21-ի երկուշաբթի առտուն: Այդ պատարագը երկու հերոսներու պատարագն է, որ կատարուելու է արեան տաճարին մէջ՝ մահուան սպիտակ թղթով: Հոն է Ազատութեան Աստուածը, դաւակնե՛րս... գիտէ՞ք... հոն է նա ու ձեռքերը երկարած՝ կուզէ մարդկութեան լաւագոյն դաւակնելուն գլուխները...: Բոնասպետութիւնը վաղը պիտի յանձնէ անոնցմէ երկուքը: Սակայն, Հայ մայրեր ու քոյրեր... թոյլ մի տաք որ անյոստութիւնը կախուի ձեր ճակատներէն, որովհետեւ միութեան թագաւորութիւնը չի կրնար յաւիտենական ըլլալ՝ ոչ ալ արցունքի շղթան՝ ձեր սերունդի ճակատագիրը: (Զեռեքը կուղղէ անձանօք կէտի մը) Տեսէ՛ք, դաւակնե՛րս, ինչպէ՛ս արշալոյսը կը ժպտի ու խաւարը կը դեղնի վախէն...: (Ընդհատ բացավառութիւնք. Տէրվիշը կը մեկնի...):

ՄԱՐԻՅԱ.— (Կը վազէ ետեւէն) Բայց ըսէ՛ ինձի ո՞վ ոգի... Ի՞նչու տարիք իմ դաւակ... Ի՞նչու... (յետոյ կը դառնայ ու կիցնայ իր որդւոյն դիակին



ԳԱԼՈՒՍՏ (ՅԱԿՈՒՐ) ԱՆԴՐԷԱՍԵԱՆ

քով) Չաւէ՛ն, իմ անդին դանձը, իմ հողւոյն ծաղիկը Չաւէն... մէկ անգամ, միայն մէկ անգամ խօսիր՝ ու մեռիր ալ... Տե՛ս, Չաւէ՛ն, տես... Հոս են քու սիրած դրքերդ... հո՛ս նայիր անուշիկ դաւակս... (Գրքերը մի առ մի կառնէ ու կը դնէ մէկ կողմ) տե՛ս, ա՛ս է քու սիրած Մարքսը, ա՛ս է քու Նիցչէն... ելիր ելիր ու կարգայ գանձո՞ք... ա՛լ քեզի արդելք չը պիտի ըլլամ Չաւէն... կարգա՛ ու մտածէ... մտածէ ու սպրիբ, սպրիբ՛ը ու երազէ... երազէ՛ արդար կարգեր... երազէ մարդկութեան այն աղուոր արշալոյսը, որու նշոյլները կերելին հիմա... Տե՛ս, Չաւէնս, տես, տես թէ հորիզոնը ինչպէս կը կարծրի ու կայծերը ինչպէս դուրս կը ցայտին մթութեան բերնէն՝ վարդի փունջերով...:

(Դարձեալ բոցավառութիւն)

Վ Ա Ր Ա Գ Ո Յ Ր



ԱՐԱՐՈՒԱԾ Դ.

ՏԵՍԻՒ Ա.

(Տեսարանը կը ներկայացնէ Մէգրէի հրապարակը, ուր Քիւրտը իր փայտը կը ծախէ, գիւղացիին՝ իր ցորենը: Խորը նստած են Գովիսէրներ, ուտիկաններ, սիկրէք կը ծխեն, սուրն կը խմեն խնդումով: Անկիւնը կեցած է կին մը ՇԱԼԸ գլխին, ու կսպասէ: Ուրիշ կին մը քրքական չարշափով կերելի ու կուղղուի դէպի սպասող կնոջ: Լոին հանդարտութիւն):

Բ. ԿԻՆ. — Ողորմի Աստուած, Խաչխաթուն քօրօ. Ի՞նչ է էսի առտուն կանուխ, էս ցրտուն եկեր կայնէր ես հոս:

Ա. ԿԻՆ. — Ողորմի, հողուդ, Սուլթան խաթուն. բան չիկայ. լսեր եմ օր երկու հայեր պիտի կախեն, եկեր եմ օր սէյր ընեմ:

ՍՈՒԼԹԱՆ. — Օճաղդ չի քունայ, կնիկ, Ի՞նչ է կըսես. Բնտօ՞ր սիրտդ կը բռնէ այդպէս բանի սէյր ընելու:

ԽԱՉԽԱԹՈՒՆ. — Հըյ կիտի դուն ըլ, Սուլթան խաթուն. սիրտս ինչո՞ւ չը պիտի բռնէ. խօջ էտ հայերը գող, աւաղակ բաներ էին... աղէկ մարդի՞կ էին որ մարդ խղճա վրանին:

ՍՈՒԼԹԱՆ. — Ինչ կուզեն, թող ան ըլլին. Խաչխաթուն քօրօ, Աստուած է անոնց մեղքը քննողը... քեզմէ բան գողցե՞ր են. դուն էնի նայիլ:

ԽԱՉԽԱԹՈՒՆ. — Չէ, ինձմէ բան չեն գողցեր. բայց իրենց սէպէպովը ամբողջ Խարբերդը կրակին պիտի տրուէր:

ՍՈՒԼԹԱՆ. — Հատէ, անամ, հատէ. տեսնողը վայրտ կուտայ. նայի՛ր, քեզմէ դատ կնիկ կը տեսնա՞ս հոս... տաճկի կնիկ պիլէ չես տեսնար, ու՛ր կը մնայ Հայու:

ԽԱՉ. — Իրա՛ւ, հախ ունիս, Սուլթան խաթուն, ... ես թէ՛ էտ տեղերը տիւշիմիշ չեղայ... հատէ՛ ... (կը հեռանան. անոնց կը յաջարդեն երկու երիտասարդներ):

Ա. ԵՐԻՏ. — Հաւատա՛, Տիգրան, եթէ Սեւաղ ըլլար, ասանկ բան մը կառավարութիւնը չէր համարձակեր հրապարակաւ ընել:

ՏԻԳՐԱՆ. — Միբիճան, Սեւաղցիները այդբան մի պարծեցներ. Ի՞նչ պիտի կրնային ընել որ:

ՄԻՐԻ. — (Գլուխը օրրելով) Մահը արհամարհող մը ամեն բան կրնայ ընել, Տիգրան... Ու ես հիմա այդպիսի ծրարիներու վրայ չեմ կրնար խօսիլ. քանի որ սիրտս արիւն կուլայ, արիւ՛ն:

ՏԻԳՐԱՆ. — Մեղքնայլ դատ ուրիշ բան չենք կրնար ընել, Միբիճան:

ՄԻՐԻ. — Խարբերդցի հայը կը մեղքնա՞յ արդեօք... չեմ կարծեր... ես վստահ եմ որ մեծամասնութիւնը չըսեմ ուրախ՝ այլ բառին լայն իմաստովը անտարբեր է այս տխուր իրադարձութեանց հանդէպ:

ՏԻԳՐԱՆ. — Քայլէ՛, եղբա՛յր, քայլէ՞... մենք վայրկեանի մը մէջ՝ միջավայրը չենք կրնար փոխել:

ՄԻՐԻ. — Ու՞ր երթանք հիմա:

ՏԻԳՐԱՆ. — Հեռանա՛նք ասկէ:

ՄԻՐԻ — Բայց ես կուզեմ գէթ վերջին անգամ տեսնել այդ երկու հերոսները... Ա՛խ, Տիգրան, չես գիտեր, չես չես գիտեր թէ որքա՛ն ազնիւ, որքան վեհանձն, որքան անսգիւտ սրտի տէր են անոնք: Անգամ մը գոնէ անոնց հետ խօսելու էիր, որ ճանչընայիր անոնց ներքինը: Տեսակ մը փառաբանուած հերոսներ կան, որոնք իրենց արժանիքէն անհամեմատօրէն խոշոր համբաւ կը ձգեն. իսկ կան ալ որ, կը մնան լուռթեան ու մութին մէջ. թէեւ շատ աւելի բարձր՝ քան փառաբանուած հերոսները: Յարէ՞ք եւ Գալուստ՝ այս վերջի կարգի հերոսներէն են: Խորհի՛ր, Տիգրան. Խարբերդի Թուրք ոստիկանները նոյնիսկ հիացեր են անոնց վրայ: Փօլիս Ահմէտ էֆէնտի մը կայ ինձի ծանօթ, ան կը պատմէ որ, ատոնք մարդ չեն, այլ քարէ շինուած տեսակ մը ոգի: Այդքան հարուածներու տակ, այդքան անտանելի շարժարանքներու ներքեւ, ոչ թէ ուեւէ զաղտնիք, այլ ոչ իսկ մէկ բառ կարտասանեն. միայն երբ դայատենը՝ երբ ալ չեն կրնար դիմանալ տանջանքին, սաստիկ զալարումներ կուեննան, ահուաներնին կը սեղմեն, աչքերնէն արցունքի տեղ արիւն կը հոսի, ապա ուշաթափ կիյնան գետին, իրենցմէ անբաժան չզթաներով:

ՏԻԳՐԱՆ — Դուն վաղուց կը ճանչնայի՞ր զիրենք:

ՄԻՐԻ — Գարահիսարէն ե՛ս բերի զանոնք հոս... Ա՛խ, Տիգրան... քեզի պատմեմ անոնց կեանքէն... (Գօմիսէրը տեսարանի խորէն կը պօսայ):

ԳՕՄԻՍԷՐ — Հէ՛յ, կեալուրնե՛ր... հող ինչո՞ւ էք կեցեր. կորսուեցէք ասկէ:

ՏԻԳՐԱՆ — Այդ մեզի է Միրիճան. քայէ, հեռանանք ասկէ, կերելի թէ զինուորները հիմա պիտի բերեն երկու մահապարտները:

ՄԻՐԻ — Մահապարտ մի ըսեր, Տիգրա՛ն, Դիւցազն ըսէ, Դիւցազն: (Կը հեռանան երկու երիտասարդները, ու սուինաւոր զինուորներով շրջապատուած՝ հրապարակ կը բերուին Յակոբ եւ Յարէք: Հոն բերուած է նաեւ ֆահանայ մը, որ դողալով գետին կը նայի ու ձեռքի Աւետարանը կը բռնու իյնալ ֆանիցս):

ԳՕՄԻՍԷՐ — Հայտէ քէշիչ էֆէնտի, մօտեցիր ու կատարէ ձեր կրօնական արարողութիւնները:

ՏէՐՏէՐ — (Դողդալով կը մօտենայ) Օրհնածնե՛ր... ե՛ս ... կուզամ. ձեր վերջին վայրկեանին... (Աւետարանը դարձեալ կը ձգէ ձեռքէն, մինչ Գօմիսէրն ու իր հետի ոստիկանները ֆահ-ֆահ կը բարձրացնեն) հողեկան...:

ՅԱԿՈՒՐ — Տէր Հա՛յր, մի՛ դողաք, մի՛ նեղուիք... անէ՛ք ձեր Աւետարանը ու հեռացէ՛ք ասկէ: (Կը ծոխ Աւետարանը կառնէ ու կը յանձնէ ֆահանային) Մենք կրօնական արարողութեանց պէտք չունինք. որովհետեւ վաղուց կատարած ենք զանոնք, ու եթէ պակաս մը կայ՝ Տէր Հա՛յր, այդ պակասը մենք կը խոստանանք լրացնել զերեզմանին մէջ: (Քահանան կը հեռանայ: Կը բերուին դահիճները: Անոնց երեսը ծածկուած է սեւ քաշկիկներով. ձեռքերնին ունին ասիակալ ետքաղանը: Պահ մը երկար լուռութիւն):

ԳՕՄԻՍԷՐ — (Ժամացոյցը նայելէ վերջ) Հինգ վայրկեան ունիք. կրնաք կամ աղօթել, կամ հայոյել...:

ՅԱԿՈՒՐ — Մենք ոչ կաղօթենք, ոչ կը հայոյենք. որովհետեւ մեր սրտին մէջ ոչ կենդանական վրէժի զգացումը կայ, ոչ ալ տկար ու միամիտ մար-

դու յուսալքումը՝ որ կերթայ մի թիթարութիւն մուրալ Մեծ Անձանօթին երկնային դռներէն: Մեր մէջ գիտակցութիւնը կայ միայն, մեր գործին ու գաղափարին գիտակցութիւնը: Եթէ հոս մեզ չըջատէր ժողովուրդը, մենք կունենայինք մեր ըսելիքը. բայց այժմ՝ երբ մի միայն ձեզ կը տեսնենք, մենք կը յայտարարենք թէ՛ ըսելիք չունինք: Որովհետեւ դուք անհողի ու անկամ, կոյր գործիքներն էք այն մեծ հրէշին, որ բռնակալութիւն կը կոչուի: Մեզ պիտի սպաննէք հիմա... Դուք ազնիւ մարդեր ըլլալու էք այդպէս ընելու համար: Այս կեանքը ձեր թաղաւորը չը տուաւ մեզի, բայց նա կաննէ այսօր. Աստուած երկար կեանք տայ Սուլթանին: Մեր խիզը հանդիստ է, որովհետեւ մենք կը մեռնինք յանուն մարդկային ընկերութեան, յանուն արդարութեան, յանուն ճնշուած ժողովուրդի սրբազան իրաւունքին: — Դահիճնե՛ր, պատրաստ ենք անա... զարկէ՛ք... բայց մէկ հարուածով բաժնեցէ՛ք մեր գլուխը. (յետոյ ընկերոջը դառնալով) ծնրադրելէ առաջ ե՛կ, համբուրուի՛նք, ընկեր... ընկեր՝ գործի մէջ, ընկեր՝ գերեզմանի մէջ: (Իրարու ֆակատ կը համբուրեն) Ծնրադրենք այժմ՝ Յակոբ, մեր գաղափարի յաղթանակը մեր արեան կաթիլներէն պիտի ծնի... (կը ծնրադրեն):

ԳՕՄԻՍԷՐ — Աչքերնին կապեցէ՛ք...:

ՅԱԲԷԹ — Այդ չենք ուզեր մենք. մեր աչքերը մահուան առջեւ անթարթ կրնան մնալ առանց վախի, առանց դողի...:

ԳՕՄԻՍԷՐ — Փամանակն է, դահիճնե՛ր...:

(Սուրերը կը բարձրանան)

ՅԱԿՈՒԲ — Կեցցէ՛, կեցցէ՛ ժողովուրդի աղատութեան գաղափարը... (Երկու հերոսները կը ծափահարեն)

ՅԱԿՈՒԲ-ՅԱԲԷԹ — ԱՊՐԻ՛ ՄԵՐ ՀԱՅՐԵՆԻՔԸ:

(Կրկին ծափահարութիւն):

(Կիջնեն դահիճներու սուրերը)

Վ Ա Ր Ա Գ Ո Յ Ր



Ա Ր Ա Ր ՈՒ Ա Շ Ե .

(Յակոբի մայրը սեւեր հագած՝ Սիրանոյշի հետ նոյն սեճեակի մէջ : Մայրը կեցեր է պատին առջև ուրկէ կախուեր են երկու պատկերներ . մին՝ Յիսուսինը, միւսը Յակոբինը : Սիրանոյշ գլխին ձգած է սեւ ֆոլը եւ լուռ է ու տխուր)

ԱՆՆԱ. — Դու՞ն էիր որ ըսիր թէ՛ «ինդրեցէ՛ք ու պիտի արուի ձեզ . փնտուեցէք ու պիտի գտնէք» . ըսէ՛ քար Աստուած , ըսէ՛ , ըսէ՛ , ե՞րբ խնդրած եմ իմ ճիւղանիս դիտատումը Ա՞ս է վարձատրութիւնը իմ աղօթքներուս : Տե՛ս ձեռքերուս ոսկորները բարակցեր ու ծունկերս մաշած են ծնրադրելէն : Աքաղաղին հետ կարթնայլ՝ դիշերային լուծեանը մէջ իմ սաղմոսերգութիւնը ընելու համար . խօսի՛ր , անխի՛ղճ Աստուած , խօսի՛ր . ա՞ս էր իմ պսակը Մըջիւնին վրայ չէի կոխեր՝ ստեղծագործութեանդ չը հայտնելու վախէս . դայլերուն ուտելիք կուտայի , օձերուն ծաղիկ . . . : Ամեն ինչ որ մատերուդ գրոջմը կը կրէր՝ սրբութիւն էր ինձ համար : Կերակրած դայլերս ոտքերս խածին՝ ես քեզ փառաբանեցի . փայլայած օձերս դիս խայթեցին՝ օրհնեղութեանս մէջ չը թերացայ . ըսէ՛ անհոգի Աստուած , ըսէ՛ , ա՞ս էր փոխարինութիւնը : Իմ որդւոյս օրօրոցին վրայ անքուն կը հսկէի շարունակ ու կաղօթէի որ նա բարի ըլլար ինձի պէս նա ոչ միայն բարի եղաւ , այլ եղաւ բարութեան աննկուն ստպաւոր , եւ ուզեց անոր թագաւորութիւնը յաւերժացընել , թոյնը անհետացնել , կատաղութիւնը ջնջել , մեր նախնեաց երկիրը դրախտի վերածել . ըսէ՛ անխի՛րտ Աստուած , ըսէ՛ , ա՞ս էր հատուցումը :



ՅԱԲԷԹ ԹԵՎԷԳԵԼԵԱՆ

ՍԻՐԱՆՈՅՇ .— Բաւական է մայրի՛կ , բաւական :

ԱՆՆԱ .— Բաւական . . . Ի՞նչն է բաւական :
Անհանդուրժելի տառնապանքի սահմանին վրայ կե-
ցող եւ իր որդին կորսնցնող մօր մը համար՝ բաւա-
կանութիւն չկայ . . . այնպէս չէ՞ , Նազովրեցի Քրիս-
տոս . . . : Ա՛հ , եթէ հրարուղի մը ըլլայի՛ սլիտի լա-
փէի քեզ , եթէ անհունութեան մէջ հոսող գետն ըլ-
լայի , պիտի տանէի քեզ նեաւ մոռացութեան ու՛-
կիանոսը այդ չպիտի՞ ըլլար արգարագոյն վը-
րէժը : Չե՞ս խօսիր (պատկերը առնելով կը նե-
տէ գետին) զնա՛ ուրեմն մեռա՛ծ Աստուած , զնա՛
կախուիլ միայն անոնց պատերէն , որոնք սիրտ ու-
նին քեզ սիրել ու պաշտել . . . : Ա՛ս է իմ պաշտելին
(կառնէ Յակոբին պատկերն ու կը սեղմէ կրծքին)
ասկէ վերջ . . . : Յակո՛րս , հոգեա՛կս . . . ու՛Ք . . . Ի՞նչ
ցուրտ է մարմինդ կը մսի՞ս անուշ զաւակս . ա՛խ
. . . դուրսը ցուրտ կայ , դուրսը ձիւն կայ , կեցիր
իմ ծոցը ու տաքցիր , տաքցիր գերեզմանական մե-
նութեանդ մէջ . այսպէ՛ս . . . Յակո՛րս , այսպէ՛ս . . .
(կը համբուրէ պատկերը) :

(Ներս կը մտնէ Տէրվիշը , մինչդեռ Աննա եւ Սի-
րանոյշ ահաբեկ՝ անկիւն մը կը քաշուին՝ ինք կը
վերցնէ Յիսուսի պատկերը ու գայն կը կախէ նախ-
կին տեղը)

ՏԷՐՎԻՇ .— Մայրի՛կ . . . անհամբեր մարդոց
վշտերը երբ կը շանան՝ սրբութեան սահմաններէն
ներս կանցնին , ու նոյնիսկ Աստուածը վար կառնեն
իւր գահէն . ասկայն համբերող ու մեծ մարդոց վշտե-
րը կը դիզուին հողույ մէջ ու կը քարանան հոն :
Նուիրական վիշտը՝ լուսութեան վիշտն է : Չուր տեղը
այդքան բողբ Աստուածութեան դէմ դուր տե-
ղը այդքան աղմուկ գերեզմանի մը վրայ , որ տա-
ճար մըն է փառաւոր : Չեր որդին գլխատուած է կը-
սէք , անանկ չէ՞ . . . բայց ո՞վ բաւ այդ . նա կապրի
պալատի մը մէջ , որ անտեսանելի է հասարակ մաս-

կանացուներու աչքերուն :

ԱՆՆԱ. — (Ինքնհրաժեշտ ելած) Աստուած իմ երա՞զ է արդեօք... ո՞ղջ է իմ Յակոբս :

ՏէրՎիՇ. — (Կը մօտենայ ու կը բռնէ անոր ձեռքը) Եթէ կուզէք՝ քալեցէ՛ք մայրի՛կ, ես ձեզ կը տանիմ անոր քով :

ԱՆՆԱ. — Բայց ու՞ր, ու՞ր է նա, ըսէք ինձ :


ՏէրՎիՇ. — Մի աճապարէք մայրի՛կ... նա իր պալատին մէջ է, ճգնաւորի պէս, արքայի պէս վեհապանծ :

ԱՆՆԱ. — Եւ ու՞ր է այդ պալատը :

ՏէրՎիՇ. — (Ձեռքը կերկնցնէ ժողովուրդին) Հո՞ն, մայրի՛կ, հո՞ն է անոր պալատը, Հայ ժողովուրդի սի՛րտը... Հո՞ն կապրին արգարութեան ու ազատութեան համար զոհուող բոլոր հերոսները, հո՞ն կապրի եւ Ապագայի յաղթանակը :

ԱՆՆԱ. — Գնանք, ո՛վ Յոյսի Ոգի, քանի որ կապրի իմ Յակոբը, թող ապրի եւ Հայութիւնը, թող բողբոջա՛վառի Երազը՝ Ազատութեան Յաղթանակին :

Վ Ա Ր Ա Գ Ո Յ Ր



ՅԱՐՈՒԹԻՒՆ ԱԼՈՒՄԻՆԱԿԱՆ (բանտին մէջ)

ԱՐԱՐՈՒԱԾ Զ.

(Տեսարանը կը ներկայացնէ Մէգրէի գերեզմանոցը: Մէգրտեղն է բաւական մեծ գերեզման մը, ուր քաղուած են Յակոբ եւ Յարէք միասին: Պարզ քար մը երկնցուած է անոր վրայ, ուր կը կարդացուին 2 անուններ—ՅԱԿՈՒ—ՅԱԲԷԹ: Գերեզմանին վերեւ սեղան մը կայ, որու գլուխը կեցեր է սգահանդէսի Ատեմապետը: Աթոռներու վրայ նստեր են քանի մը անձեր, որոնց միջեւ Օրիորդ Լուսիա: Բոլորին նախաորդ էր դէպի ժողովուրդը:)

ԱՏԵՆԱՊԵՏ. — Այս անձրեւոտ ու աննպաստ օդին, Սարբերդի հայ հասարակութիւնը աճապարեւով ներկայ ըլլալ սոյն սգահանդէսին, կուտայ սպասել իր պարտականութեան գիտակցութեանը. առայդ՝ Սօցիալ Դէմօկրատ Հնչակեան Կուսակցութեան Սարբերդի մասնաճիւղը իր շնորհակալութիւնը կը յայտնէ: Ինձի, խօսելու պարտք մը չի յնար, ինչպէս գիտէք, ատոր համար ես կանցնիմ օրակարգին: (Թուղթին վրայ նայելով) Հիմայ մեզի պիտի խօսի տեղույս Ս. Ռամկավար Կուսակցութեան կողմէ՛ պրն. Տէրտէրեան:

ՏԷՐՏԵՐԵԱՆ. — (Կը բարձրանայ բեմ) Սա սգահանդէսին՝ ուր Սարբերդի ժողովուրդը այսքան հոծ բազմութեամբ եկած է իր սէրն ու յարգանքները բերել հերոսներու շիրմին, երկինքն ալ կարծես ազդուած՝ կուլայ մեզի հետ: Ասկէ 6 տարի առաջ՝ երբ այդ ազիզ մարտիկներու գլուխները կիյնային Մէգրէի հրապարակին վրայ, ոչ ոք մտքէն կանցնէր թէ

օրին մէկը զանոնք սգալու ազատութիւնը պիտի ունենայինք: Կրնայինք լալ մեր ցաւերը. կրնայինք արտայայտել մեր վիշտը. խարազանը կը բարձրանար, սուրը սպառնազին կը նայէր, հրացանը անգըթօրէն կոռնար, ու մենք՝ շղթայուած արհաւիրքներով, անտարբերի լուռ ու քարացած կեանքը կապրէինք: Այսօր սակայն, երբ բռնապետական դժբախտութեան յաջորդած է Սահմանադրականը, դերութեան ու վախին՝ ազատութիւնն ու համարձակութիւնը, վշտահար հողիները աս ու ան անկիւններէն հաւաքուած՝ տառապանքի լեզուն կը խօսին, անշունչ գերեզմաններու գլխուն վերեւ:

Շատ բան խօսուած ու գրուած է անոնց վրայ, ու հիմայ ո՛չ պատշաճութիւնը կը ներէ, ոչ ալ խօսողներու տրուած կարճ ժամանակը, որպէսզի խօսինք այս հերոսներու կեանքէն. միակ բանը, զոր պիտի ըսեմ՝ սա է. — եթէ այս ազնիւ մարտիկները արթննային հիմայ՝ ի՞նչ պիտի պատգամէին մեզի. ես վստահ եմ անոնք պիտի ըսէին. — «Հեռո՛ւ խեղճ մահկանացուներ, հեռու. ինչո՞ւ կը վրդովէք մեր գերեզմանական հանգիստը: Արդեօք իրականութիւն դատ՞ է տառապող Հայութեան Ազատութեան գաղափարը, որուն համար զոհուողները կը սգաք դուք. ո՛չ, ո՛չ. մեր վրայ սգալով ժամանակ մի կորսընցնէք. դացէք փնտուել ձեր իրաւունքը, ձեր ազատութիւնը, որ ուրիշի մը ակռաներուն տակ է դեռ, սա «Սահմանադրական շրջանին»:

Լսե՛նք հայրենակիցնե՛ր, լսենք այս սուրբ պատգամը ու հեռանանք դէպի պարտականութեան դաշտ, չի մոռնալով հոս թողուլ մեր յարգանքները սա շիրմին՝ ուր զերար գրկած կը պառկին Սօցիալ Դէմօկրատ Հնչակեան երկու Դիւցազները խնկելի: (Կը հեռանայ բեմէն):

ԱՏԵՆԱՊԵՏ. — Շնորհակալութիւն պըն. Տէր-տէրեանի... մեզի հիմայ պիտի խօսի Գաճնակցութեան կողմէ՛ պըն. Պօնաբարթեան:

ՊՕՆԱԲԱՐԹԵԱՆ. — Ես պահ մը ինձի թոյլ չեմ տար ըսելու, որ մենք եկած ենք սգալ այս երկու հերոսներու շիրմին վերեւ: —Ո՛չ. անոնք, ինչպէս եւ բոլոր հերոսները, ըսել կուզեմ Գրիստափօրները, Փիրայրները, Հրայրներն ու Սերոբները սէտք չունին մեր սգալուն: Անոնց վրայ սգալը՝ անոնց երեսն ի վեր հայոյել է: Մենք եկած ենք, հայրենակիցնե՛ր, այս շիրմներէն վառօդ հաւաքելու, բռնկեցնելու համար ժողովուրդին միտքը, լուսաւորելու մթութեան տարտարոսը, ազատութեան դժուարանցիլ ճամբան:

Ճիշտ է, որ մեր ներկայ ազատութիւնը այս հերոսներու թափած արեան ու քրտինքին կը պարտինք. բայց ամեն բան լրացած չէ տակաւին: Մենք պատրաստելու ենք նոր հերոսներ, որոնք ըլլալու են ժողովուրդի առաջնորդը: Արցունքի ծովը տակաւին չէ ցամբեր: դայլերը դեռ կոռնան իրենց ահաբեկիչ կատաղութեան մէջ: Գործ ունինք կատարելիք, հայրենակիցնե՛ր, դո՛րձ. ու այդ դորձը սգալ չէ, այլ տապալել է հին շէնքը, անոր աւերակներուն տակ թողելով բոլոր անիրաւութիւններն ու պղծութիւնները: Գերեզմաններու մէջէն հերոսներու աչքերը մեզի կը նային անձկանօք. նախատինք մեզի՝ եթէ դասալիք ըլլանք, ամօթ՝ եթէ անտարբեր մնանք:

Այս հերոսներու յիշատակը թող զսպանակ մը ըլլայ մեզ գործի մղող՝ ինչպէս եւ ջահ մը՝ մեր քայլերը առաջնորդող, դէպի վերածնութեան ուղին: Միայն ասով է որ մենք պիտի արժեցնենք զանոնք, ու պիտի յանձնենք անոնց պատկերը՝ ապագայ սերունդին: (Կը հեռանայ բեմէն):

ԱՏԵՆԱՊԵՏ. — Շնորհակալութիւն պըն. Պօնաբարթեանին... Մեզի հիմա երգ մը պիտի երգէ Օր. Լուսիա Մուրատեան, իր յօրինած մէկ ոտանաւորը՝ զոր նուիրած է Յակոբ-Յարէթի:

ԼՈՒՄԻԱ. — (Բեմ ելլելէ վերջ՝ կսկսի երգել) .
Հնչեցուցէ՛ք փողերն ու ժգին յարութեան ,
Նոր երգերով , նոր եռանդով երկնային .
Զըլլանք վատեր , որք գայլերուն միս կուտան .
Անմահ հերոսք մեր գործերուն կը նային :

Այս ձեր տօնն է , ո՛վ ՅԱԲԷԹ ,
Պիտի սիրենք քեզ յաւէտ :

Կատարները մեր լեռներուն վեհապանձ ,
Երկինք տանող սանդուխ ընենք մեր ոտքին .
Սատուածը հին երբ մենք գտնենք հոն մեռած ,
Նոր մ'ստեղծենք , որ մեր նրտերն ամսփին :

Այս ձեր տօնն է , ո՛վ Գալուստ ,
Պսակ ու փառք ձեզ երկնուստ :

(Կը հեռանայ բեմէն)

ԱՏԵՆԱՊԵՏ. — Մեզի հիմայ պիտի խօսի՝ Սօց .
Դէժօկրատ Հնչակեան Կուսակցութեան տեղւոյս
Մ-ճիւղին կողմէ՝ ընկեր Արշաւիր Իգնատիոսեան :

ԱՐՇԱՒԻՐ. — (Բեմ կելլէ) Գերեզմանը , որուն
չուրջը եկած ենք հաւաքուիլ՝ վեց տարի առաջ գըլ-
խատուող երկու հերոսներու գերեզմանը չէ , այլ
օրօրոցը՝ մեր շողչողուն դաղափարին , որ արցուն-
քէն ծնաւ , արիւնով մեծցաւ , ու արիւնով պիտի պը-
սակուի : Այդ գաղափարի մայրը «Սահմանադրա-
կան» սա շրջանին՝ դեռ կապրի . տառապանքն է ան .
տառապանքը դիմակափոխ բռնապետութեան լուծին
տակ հեծեծող թշուառներուն , տառապանքը՝ շահա-
գործող փոքրամասնութեան կամայականութեամբը
չինուած օրէնքներու ցանցին մէջ՝ խեղդուելու վը-
տանգով ապրող եղկելիներուն . տառապանքը՝ խա-
ւարի ճիրաններուն տակ ապրող թշուառ ժողովուր-
դին , տառապանքը՝ ընդհանուր մարդկութեան :
Կեանքի նպատակը հերոսներու գերեզմաններուն վը-



ՆԱՀԱՏԱԿՆԵՐՈՒ ՍԳԱՀԱՆԴԵՍԸ

րայ ժամանցի համար այցելել է. կեանքի նպատակը այդ տառապանքի թաղումն է: Անոնք, որ կեանքը կը սիրեն ու իրենց կաշիներէն կը վախնան, թող հոս նային (գերեզմանը կը ցուցնէ). իսկ անոնք, որ կերպէն լաւագոյն կեանք մը ու կարհամարհեն մահը, հոս, այս դերեզմանաքարին վրայ թող դան ընել իրենց ուխտը. գաղափարի համար զոհաբերուելու նուիրական ուխտը: Մեր Աստուածը կը տեսնէ մեզ, նա անտարբեր հանդիսատեսը չի կրնար ըլլալ յաւիտեան՝ երբ լրանայ պահանջուած զոհերու շղթան. նա թոյլ պիտի տայ որ ծագի ազատութեան արշալոյսը, որուն ի տես՝ նոր մեռնողները պիտի ժպտին իրենց դագաղին մէջէն ու փտտած դիակները՝ դերեզմանի մէջէն: Զուր տե՞ղն է, որ Հաւատացեալի Աստուածորդին ըսած է. «Եթէ ոչ հասն ցորենոյ անկեալ յերկիր մեռանիցի՝ ինքն միայն կայ. ապա թէ մեռանիցի՝ բազում արդիւնս առնէ»:

Եթէ ցորենի հատը դետին չի յնալով չմեռնի՝ ինք հատիկ մըն է միայն. իսկ եթէ մեռնի՝ շատ արդիւնք կուտայ:

Այսօր, հատիկները ինկած են պարարտ հողի մէջ, պիտի փտտի՞ն արդեօք, — երբէ՞ք: Մե՛նք պիտի ըլլանք անոնց բեղմնաւոր պտուղները. որովհետեւ հերոսներու մահը նոր հերոսներու ծնունդն ըլլալու է, հայրենակիցնե՛ր:

Յակոբ եւ Յարէթ, Սօցիալ Դէմօկրատ Հնչակեան Կուսակցութեան այդ պանծալի քաջերը, Քրիստոսի քարոզած ցորենի հատիկներն են, որոնց մէջըն է ամփոփուած Նոր Սերունդի նոր իզէալը:

Ես կը սիրեմ յուսալ թէ՛ անոնց դերեզմանին վրայ նոր Յակոբներ, նոր Յարէթներ երեւան պիտի դան: Այս հաւատքիս տուն տուողը Պարբերդի Հայ հասարակութիւնն է, որ իր ծերովն ու երիտասարդովը, իր աղջիկներովն ու նորատի հարսերովը ե-

կած է իր խունկը բերել անոնց անշուք շիրիմին: Դեռ երէկ՝ երբ անոնք ողջ էին, ժողովուրդը չէր հետաքրքրուեր անոնց կեանքով. այսօր, երբ վարադոյրը քաշուած է, ես կը տեսնեմ՝ շատեր արցունք ունին իրենց կոպերուն տակ, ուրիշներ մըմունջ՝ իրենց չրթներուն վրայ, սմանք պաշտամունքներով հիւսուած պտակ՝ իրենց սրտերուն մէջ: Յորենները պէտք էին մեռնիլ, իրենց նման հատիկներ արտադրելու համար: Ու հիմայ մեռած են ցորենները: Մենք դիակներու փառարանութիւնը չենք ըներ, ո՛չ: Եթէ Յակոբ ու Յարէթ իրենց ստամոքսին համար միայն ապրեզ մարդեր ըլլային, անոնց վարձատրութիւնը պիտի ըլլար մոռացութեան տապանաքարը. մենք կընենք գաղափարի փառարանութիւնը, այն գաղափարին՝ որու գրօշակակիրները այսօր փոքրաթիւ՝ բայց վաղը անհամար պիտի ըլլան:

Կեցցէ՛ այդ գաղափարը.....:

Կեցցէ՛ Սօցիալ Դէմօկրատ Հնչակեան Կուսակցութիւնը: (Կը հեռանայ բեմէն)

ԱՏԵՆԱՊԵՏ. — Շնորհակալութիւն՝ ընկեր Արշաւիր Իգնատիոսեանի...: Հերոս Յակոբի որդին՝ Աշոտը, որ հիմայ Խարրերդ կուսանի, փափաք յայտնած է ընել իր ուղերձը:

ԱՇՈՏ. — (Կուգայ բեմին առջեւ) Ո՞վ մտքէն կանցնէր, հայրի՛կ, թէ բնական մահուան զանգակը չի հնչած՝ բռնապետութիւնը քեզ պիտի նետէր գերեզմանի գիրկը, ու ես՝ պիտի գայի գլխուդ վերեւ դամբանական մը կարգալու: Ինչո՞ւ այսքան շուտ բաժանում, հայրի՛կ...: Երբ ես մանուկ էի՝ չէի կրնար գտնել ժպիտը արցունքէն. անվնաս մոզհները՝ թունաւոր օձերէն. հայրի՛կ, զանոնք ինձի չը ճանչցուցած ինչո՞ւ հեռացար: Խօսի՛ր, հայրի՛կ, խօսի՛ր, պատասխան տուր ինձ. չե՞ս ճանչ-

նար գիտ. ե՛ս եմ, Աշո՛տը... Աշո՛տը... որու օրրանին վրայ գլխիկոր՝ գաղափարիդ ապագայ յաղթանակին երազը կը տեսնէիր: Ըսէ՛, հայրի՛կ, ըսէ՛, հորուկ մնացի ես, ու՞ր է իմ ճամբան...: Հայրի՛կ, վերջին ժամուն՝ երբ զիս իմ մօրս ու մեծ մօրս հետ դրան ետեւ կը թողէիր, ինձ ըսիր որ քեզ դանելու համար՝ տառապանքին դիմելու եմ. ըսէ՛, հայր իմ, ըսէ՛, հո՛ս է իմ տառապանքը (կուրծքը կը ցուցնէ), հո՛ս... բայց ու՞ր ես գուն:



Հայրի՛կ, այն արշալոյսը, որուն երազովը զոհուեցար՝ մտախլապատ է դեռ. այն արեւը, որու պատկերը ցոյացուցիր թափած արեանդ մէջէն, չէ ծագեր տակաւին...: Մութ է միջավայրը, հայրի՛կ շատ մութ. տե՛ս, ինչպէ՛ս խաւարը կը հեւայ զայրութիւնով, քամին կը հաջ սպաննագին ու ամպերը կը հսկեն տարտարոսի անթափանցելի մթութեան:


Ըսէ՛, հայրի՛կ, ըսէ՛. ու՞ր է Արեւելքը. հո՞ն, ուր հողիները կը քնանան անխօսով, թէ՞ հոն՝ ուր սրտերը կը տառապին երկունքի ցաւով: Հայրի՛կ, այն տեղը, ուր ես կեցեր եմ, անապատ մըն է, ուր կը փչէ դժբախտութեան խորշակը. ովկիանոս մըն է, որու ալիքները կսպաննան կլլել զիս... Յոյց տուր Հայրի՛կ, ցոյց տու՛ր. ու՞ր է ազատութեան նաւահանդիստը. արդեօք հո՞ն, ուր ցաւերը կը հեծեծեն դարերով. թէ՞ հոն՝ ուր բողոքները կը նետին դէպերով: Ըսէ՛ հայրի՛կ, ըսէ՛. ու՞ր է այն ազատութիւնը որուն համար գլուխդ տուիր... (Կիջնէ բեմէն ու կը գրկէ իր հօր գերեզմանը) Բա՛ց բերանդ ու խօսիր, հայրի՛կ, Ազատութիւնը կը փնտռեմ, քու սիրած Ազատութիւնը... Հայրի՛կ, հայրի՛կ... Բա՛ց գերեզմանիդ դուռը... մատովդ ցոյց տուր ու քաշ-


ուիբ ներս..... ԱԶՍՏՈՒԹԻՒՆԸ, ԱԶՍՏՈՒԹԻՒՆԸ
կը փնտռեմ, հայրի՛կ.....:

ՁԱՅՆ ՄԸ ԳԵՐԵԶՄԱՆԷՆ.— ՍՈՒՐԻՆ ԾԱՅՐԸ,
ՈՐԳԵԱ՛Կ, ՍՈՒՐԻՆ ԾԱՅՐԸ Է ՔՈՒ ՓՆՏՈՒՄ ԱԶՍ-
ՏՈՒԹԻՒՆԸ:

Վ Ա Ր Ա Գ Ո Յ Ր







ՆՈՅՆ ՀԵՂԻՆԱԿԻՆ ԵՐԿԵՐԸ

ԱՆԴՈՒՆԴԻՆ ՄԷՋԷՆ

(ԹՇՈՒԱՌԻ ՃԻՉԵՐ)

ԱԽՏԱԻՈՐ ՄՏԱՅՆՈՒԹԵԱՆ ԴԷՄ

ՀԱՅ ԲԱՆՈՒՈՐԻՆ ՀԱՄԱՐ

◇ ԳԻՆ՝ 50 ՍԷՆԹ ◇

ՀՀ Ազգային գրադարան



NL0351074

